

For Library Use

दीवी वा'णी

(जम्मू कश्मीर क्य दीवी स्थल)



Book Donated for
ASHRAM LIBRARY

लेखक :

पृथ्वी नाथ कौल 'सायिल'


प्रिन्टर्ज - पब्लिशर :

ज्योती प्रिन्टर्ज पटोली, जम्मू-७

फोन : 42617

Book Donated for

ASHRAM LIBRARY मूल्य : 12/- रुपये



ਸਿਰਿ ਤੇ ਸਿਰਿ

(ਸਿਰਿ ਤੇ ਸਿਰਿ ਤੇ ਸਿਰਿ)



ਪ੍ਰਸਿਦਿਤ ਸਿਰਿ ਤੇ ਸਿਰਿ

ਪ੍ਰਸਿਦਿਤ ਸਿਰਿ ਤੇ ਸਿਰਿ

1754

‘दीवी वा'णी’ छे’ तुहन्जन अथन मंज । यिम सा'री भजन
तिमन सान्यन दीवी मातायन हु'न्ध यिमु' सानि माजि क'शीरि
यायतस' आसु' । यिहन्जन थापनायन हुन्द शुहुल शे'हजार सान्यन
लन स्वख तु' शां'ती ओस बख'शान । अमापो'ज वारयाहन जायन ह्यो'त
तु'अन्युव यिमन प्यठ ति अथु' त्रावुन । यिमन थापनायन हु'न्ज शूभ तु'
न वुछिथ यिमन अ'छ तें'बेयि तिमव द्यो'त यिमन प्यठ नाजा'इज पा'ठय
जु' करुन । जो'रुरत सपु'ज महसूस जि जम्मू कश्मीरु'क्य दीवी स्थल
ओख अ'किस किताबि मंज दर्ज क'रिथ युथ ज्ञान सा'न्य न'व पुय ति करि
न यिमन दीवीदारन हु'न्ज । जानिथ मा'निथ लीख्य में यिम भजन तु'
राधनायि युथ ज्ञान यिम जांह ति मशन नु' । खबर छा सानि गा'र
जिरी मंज क्याह हाल रोजि यिहुन्द । यि किताब करि ब्रौ'ह कुन
न वाल्युन ति सहायता । अवु'किन्यु प'रिव यिम पजि श्रद्धायि तु'
मय मातायि करन असि पनुन अनु'ग्रह तु' रूतपाय ।

पृथ्वी नाथ कौल ‘सायिल’

पाठकों से निवेदन !

‘दीवी वा'णी’ नामक पुस्तक किसी कारण आपके करकमलों में समय पर
आसकी । यह पुस्तक अदूरी छप कर पूरे दो वर्ष प्रेस पर पड़ी रही ।
कि इस पुस्तक को प्रकाशित करवाने वाले स्व० नन्दन जी कालू (पूर्व
त शारिका पीठ संस्था, सुभाष नगर, जम्मू) थे । संस्था तथा अधक्ष पद
न रहने के कारण इस पुस्तक को पूरा करने वाला कोई आगे नहीं आया
अब इस पुस्तक को पूरा करने के लिए ज्योती प्रिन्टर्ज पटोली जम्मू-७ ने
सारा खर्चा बर्दाश्त करके इस पुस्तक का आपके करकमलों में आना
भव बना दिया ।

स्व० नन्दन जी कालू जो अब हमारे बीच नहीं रहे, ज्योती प्रिन्टर्ज की
पुस्तक उनको हार्दिक श्रद्धांजलि के रूप में तथा उनकी मनोकामना पूर्ण
हेतु अर्पित कर रहा है । भगवान उनकी आत्मा को शान्ति दे ।

ज्योति प्रिन्टर्ज पटोली जम्मू-७

(सा'री हो'कूक छि लेखक सदि नाव् म'हफूज)

नाव —	' दीवी वा'णी '
लेखक —	पृथ्वी नाथ कौल 'सायिल'
तेदाद —	अख सास सिर्फ (सन् 1995)

का'शुर प'रिव यिथु पाठ्य

का'शुर स्वर	मात्रा	वर्तव
अ'	'	ब'—मैं, ग'र—घड़ी, थ'ज—ऊंची, ल'ट—पूँछ, प'ट—फट्टा, च'र—चिडिया, क'च—कितने
आ'	।'	मा'ज—माता, दा'न—अनार, दा'र—खिड़की, आ'ल—इलाची, ब्रा'र—बिल्ली, वा'ज—अंगूठी
अ	-	च—तुम, वु—मैं, ज—दो, रुच—नेक, टुख—दौड़ सुच—दर्जी, सुचन—सूई, रुख—लकोर, तु—और
अू'	ू'	तू'र—सर्दी, जू'ज—दो-दो, कू'मथ—कीमत, कू'र—तुं दमिजाज, कूंस—छोटी आयु में
ए	े'	मे'—मुझे, चे'—आपको, शे'छ—समाचार, त्रे'—तीन, शे'—छः, खे'—खाओ, मे'च—मिट्टी
ओ'	ो'	ओ'छ—पतला, ओ'ड़—आधा, ओ'न—अंधा, को'ठ—गुठना, दो'र—मजबूत, पो'ज—बन्दर
व	व	द्वद—दूध, व्वध—बुधि, स्वख—सुख, व्वंग—केसर, व्वठ—छलांग, द्वस—दीवार, छुवख—जखम

नोट : बाकु'य सा'र्यसु'य छि देवनागरी स्वर त'रीकय लेखु'न्यु तु' परु'न्यु ।



ॐ श्री गणेशाय नमः



ही गणेश गणनाथु जा'री बोज ।

आदि दीवु च. छुख कल्याणका'री,

ही गणेश गणनाथु जा'री बोज ।

ही मूषक वाहन विघ्न हर्ता'री ॥

ही गणेश गणनाथु जा'री बोज ॥०॥

जय गणेश, जय गणेश, जय मुकुटदा'री,

पादि कमलन लगोय पा'री बोज ।

ही गणेश श्री गणेश लम्भूदा'री ॥

ही गणेश गणनाथु जा'री बोज ॥०॥

गणेशिबलु वास चोन गणपतया'री,

वलभा छे' शक्ती चा'नी बोज ।

गज मुख चे'य छय गोड़ अनुवा'री ॥

ही गणेश, गणनाथु जा'री बोज ॥०॥

चानि रो'स काँह तुता छे'नु फलदा'री,

च.य सिद्धि दाता तु आ'री बोज ।

पा'री लगुहोय दितु गाटुजा'री ॥

ही गणेश गणनाथु जा'री बोज ॥०॥

सेन्दरि मति भ'क्तयन छुख करान या'री,

छुख च.य प्रथम अधिका'री बोज ।

शरणागतन जल कास असि खा'री ॥

ही गणेश गणनाथु जा'री बोज ॥०॥

अमृत कुडं के दर्शन सात्य,

कमकम व्या'ज चलान दुख दा'य कात्य ।

नाग चोन संजीवणी छा'य असि कास ॥

विजि विजि मा'जा'य सन्मुख मे' आस ॥०॥

च'यतु पीड़ा'यव छ'न्दरोवुस,

लुकु व्यवहारण ह'न्दरोवुस ।

गो'नि गो'नि सो'म्बरुम खरहय ब' द्रास ॥

विजि विजि मा'जा'य सन्मुख मे' आस ॥०॥

मा'ज चा'न्य नाम् स्मरण छम स्यठा,

वोथुवुन बे'हवुन ती सोरुहा ।

गछिह्यम सफल जन्म, यियिह्यम व्यकास ॥

विजि विजि मा'जा'य सन्मुख मे' आस ॥०॥

आंगन चाने शां'ती भवान,

सन्तुष्ट प्रथ कांह तति छु सपनान ।

सा'यिल ब' वेरि चानि शुद्धि मनु आस ॥

विजि विजि मा'जा'य सन्मुख मे' आस ॥०॥



मे' छम चा'न्य माय जगत माता

गनेयम कल सनेयम राय,

मे' छम चा'न्य माय जगत माता ।

दितम पनुन्यन पद्यन तल जाय ॥

मे' छम चा'न्य माय जगत माता ॥०॥

च_ तुलुमुलि छख बिहिथ सनिदान,

करान जगतस च_ छख कल्याण ।

वे' पायन छख करान वोपाय ॥

मे' छम चा'न्य माय जगत माता ॥०॥

युसुय नावि चानि नागबल तन,

सपुनि तस शुद्ध त न्यमल मन ।

बलन तस दा'द्य त हुरि तस आय ॥

मे' छम चा'न्य माय जगत माता ॥०॥

चनय यिम चोन चर्ण_ अमरुयथ,

तिमन टोठख त रछिहख सथ ।

गल्यख अदु दुय चल्यख अदु छा़य ॥

मे' छम चा'न्य माय जगत माता ॥०॥

चे_ निश माता यिवान लारान,

शुर्यन जा'री च_ छख बोझान ।

च_ छख सारिन्य करान पो'ज न्याय ॥

मे' छम चा'न्य माय जगत माता ॥०॥

छि अ'स्य पापी छे शरमंदुगी,

करान मा'जी छि चे'य बन्दुगी ।

दयायि चानि नेरि प्रकर'च ग्राय ॥

मे' छम चा'न्य माय जगत माता ॥०॥

चे' शे'हजन वोनिनय तल वास,

छि कम शेरेबवर चा'न्य दास ।

शिहिलि कुंड़_ मा'ज शिहिज चा'न्य शाय ॥

मे' छम चा'न्य माय जगत माता ॥०॥

छे' कुलि आलमच चे' सरदा'री,

करान व्यन्ती चे' छी सा'री ।

छे' सन्तापुच मे' ग्रकुवुन्य क्राय ।

मे' छम चा'न्य माय जगत माता ॥०॥

न छम भ'क्ती न छम श्रद्धा,

न जानय तप न कांह पूजा ।

बन्यम नावु चानि मो_कलन पाय ॥

मे' छम चा'न्य माय जगत माता ॥०॥

ब' "सा'यिल" आस च_ ग'न्जारुम दास,

मे' प्रथविजि मा'ज सनमुख वास ।

न छुम तेलि गम न कांह परवाय ॥

मे' छम चा'न्य माय जगत माता ॥०॥



माजि रा'जायै भावव हाल

व्यनु पोश लागोस बजि भावनाये,
माजि रा'जाये भावव हाल ।
रछि वृन्त्य सु'य छय सारि प्रजाये ॥

माजि रा'जायै भावव हाल ॥

ननुवा'र्य लारान लारान आये,
यस छु चोन साये तस नु परवाय ।
जालु अ'स्य व'ल्यमुत्य मोह मायाये ॥

माजि रा'जायै भावव हाल ॥

क्याह ताम कूफ खो'त जन्मस आये,
ह्यनु अ'स्य आये करतु सोन पाय ।
आ'ठुम ब्रत दो'र चाने राये ॥

माजि रा'जायै भावव हाल ॥

नामु स्मरण चान्य चानि पूजाये,
छी श्रद्धाये तप साधान ।
स'हस्त्रनाम प'र्य तय करि संध्याये ॥

माजि रा'जायै भावव हाल ॥

त्यंगल बालु किन्य व'थ्य चानि यात्राये,
सेन्धि ब'ठय आये तुलमुल तान्य ।
वियि हा'म्य दो'दर हा'म्य कमि यछाये ॥

माजि रा'जायै भावव हाल ॥

अमृतु नागु श्रानु ध्यानु दारुनाये,
शांत सभाये आंगन चाय ।
आ'रुत्य छि आमृत्य करतु वोपाये ॥

माजि रा'जायै भावव हाल ॥

अस्य चा'न्य आरती करने आये,

च_य करान न्याये कुलि जगतस ।

असि ति दितु चरण कमलन तल जाये ॥

माजि रा'जायै भावव हाल ॥

'सा'यिल' छुय ग्यवान चानि लीलाये,

लोलु तु माये व्यछ_नान गुण ।

बेकस तु मुफलिस दसबस्तु आये ॥

माजि रा'जायै भावव हाल ॥



“मा'ज बोजतय च_ जा'री”

रा'जा'य अछि दा'री,

चरणन लगय ब'पा'री ॥

पा'पी अस्य ग'मृत्य गीर,

शुर्य छि चा'री त फ_या'री ॥

शुभ अथु कर्मस डाल,

कर दया करतु या'री ॥

टोठी भ'क्तयन च_ असि मा'ज,

च_य छख कल्याण का'री ॥

धर्म_च तु कर्म_च जान,

समसा'र्य व्यवहा'री ॥

जन्म_जाल वर खुर्यदार,

वेषयव ह्य मा'र्य सा'री ॥

मा'ज बोजतय च_ जा'री ।

माज बोजतय च_ जा'री ॥०॥

नेशबोद्य छि ती छु तकसीर ।

मा'ज बोजतय च_ जा'री ॥०॥

चठतु मोह मायायि जाल ।

मा'ज बोजतय च_ जा'री ॥०॥

चठतु छल छिदरि हन्नु जा'ज ।

मा'ज बोजतय च_ जा'री ॥०॥

म'ठ असि को'र असि फान ।

मा'ज बोजतय च_ जा'री ॥०॥

काम क्रूध, लूभ अन्धकार ।

मा'ज बोजतय च_ जा'री ॥०॥

आवागवणुक ग्यूर,
 मुक्ती दि कास खा'री ॥
 लोक चार बा'ज्यगर द्राव,
 वुजरस छे लाचा'री ॥
 दयि नाव वांसि म'शरोव,
 म'ल्य हेच बेकरा'री ॥
 याद प्यव ग्रेकि विजि नून,
 क्रेंजलि पोन्त्य गोम सा'री ॥
 पादन तल दितय जाय,
 अथु छ'न्य त ननवा'री ॥
 बोजि कुस सा'न्य विलजार,
 सा'न्य छय घटि दा'री ॥
 सनि कुस वादस वन,
 जगतुच चे_ सरदा'री ॥
 स्मरणि कुन लाग मन,
 दर्शुन दि गाटु जा'री ॥
 मा'जा'य दर्शुन हाव,
 अ'न्य त का'न्य अ'स्य छि सा'री ॥
 दरबार शूभाय मान,
 जामु छी जरका'री ॥
 कुकर्म बारि असि ख'त्य,
 शूभि शर्मि दित्य हय ता'री ॥
 छे'टि अन्न ड'ज असि बुद्ध,
 वति लाग ड'ल्य हय सा'री ॥
 मुर दा'रिथ मंगुनि आय,
 अशि ब'र्य छि टा'री ॥
 छमन अठकल त अथुवथ,

मोकलाव यछ कर पूर ।
 मा'ज बोजतय च_ जा'री ॥०॥
 यावनस सूर चिकु चाव ।
 मा'ज बोजतय च_ जा'री ॥०॥
 अपज्युक व्यवहार प्रोव ।
 मा'ज बोजतय च_ जा'री ॥०॥
 वेलु विजि जाँह तिमा च'यून ।
 मा'ज बोजतय च_ जा'री ॥०॥
 येछि पछि च'य निशि आय ।
 मा'ज बो'जतय च_ जा'री ॥०॥
 नावि सानि दियि कुस तार ।
 मा'ज बोजतय च_ जा'री ॥०॥
 संतापस करतु छयन ।
 मा'ज बोजतय च_ जा'री ॥०॥
 सत संगु श्रोचन कन ।
 मा'ज बोजतय च_ जा'री ॥०॥
 जा'न्य हुन्द परतव त्राव ।
 मा'ज बोजतय च_ जा'री ॥०॥
 मा'ज छुय तीज तय मान ।
 मा'ज बोजतय च_ जा'री ॥०॥
 अको'तुय गव क'त्य क'त्य ।
 मा'ज बोजतय च_ जा'री ॥०॥
 रेछि तुल ओस युस सुद ।
 मा'ज बोजतय च_ जा'री ॥०॥
 अनुग्रहे बेयि थदन पाय ।
 मा'ज बोजतय च_ जा'री ॥०॥
 "सा'लियस" छम चा'न्य सथ ।

पोश लागय च'र्य चा'री ॥

मा'ज बोजतय च_ जा'री ॥०॥

पादि कमलन तल दितम मा'ज जाय

बेकस छुस तु छम चा'नी माय,

पादि कमलन तल दितम मा'ज जाय ।

चानि दरवार छुय सपदान न्याय ॥

पादि कमलन तल दितम मा'ज जाय ॥०॥

च_ छख राजिरेन्य महा माता,

शारिका, रा'जा च_य दुर्गा ।

असि बे पायन करतु वोपाय ॥

पादि कमलन तल दितम मा'ज जाय ॥०॥

चानी कृपायि जगतस चलान शाप,

भ'क्तयन कासान च_य छख पाप ।

मे हय ग'छ गरि गरि चा'नी राय ॥

पादि कमलन तल दितम मा'ज जाय ॥०॥

मोह मायायि छुस आवसोवमुत,

वेषयव अ'न्दरी ब' आवरोवमुत ।

येन्द्रेय छम करान कुहनु गगुराय ॥

पादि कमलन तल दितम मा'ज जाय ॥०॥

सथ छम चा'नी तु वथ हावतम,

कर्म_न्य न्याय पान् अन्जरावतुम ।

चे. वरा'य करु क्याह कुस दियम दाय ॥

पादि कमलन तल दितम मा'ज जाय ॥०॥

दितु मा'ज भ'क्ती चलिहेम शर,

मेनि दार ला'निस चलिहेम वर ।

“सा'यिलस” व'छ अवय अ'श ददुराय ॥

पादि कमलन तल दितम मा'ज जाय ॥०॥

मा'जा'य मे हय र'ट्य चा'नी पाद

ओरुत लायान छुसय लोलु नाद,
मा'जा'य मे हय र'ट्य चा'नी पाद ।

दर्शन चानि गछि मन मे शाद ॥

मा'जा'य मे हय र'ट्य चा'नी पाद ॥०॥

क'ल्य सुन्द बोल बोश बोझान छे मा'ज,
कुपुत्रन तामथ छे पालान मा'ज ।

चे वरा'य कुस सन्यम कुस दियम दाद ॥

मा'जा'य मे हय र'ट्य चा'नी पाद ॥०॥

मा'ज दितु मे अठकल तु स्वरु चोन नाव,
ही कल्याणकारिणी वथ मे हाव ।

छुम नय मे अथि यिवान होज तय राद ॥

मा'जा'य मे हय र'ट्य चा'नी पाद ॥०॥

च_य करान अनुग्रहे च_य दया करान,
सान्यन कुर्मन कुन नु जांह वुछान ।

बखशान च_य छख सा'न्य अपराद्ध ॥

मा'जा'य मे हय र'ट्य चा'नी पाद ॥०॥

कल ग'न्यरावतम फुलि हम मन,
चानी तोतायि दुख दा'द्य चलहन ।

सत संगु चाने यियिहे स्वाद ॥

मा'जा'य मे हय र'ट्य चा'नी पाद ॥०॥

“सा'यिलस” सायि छुम आसरु चोन,
चानि रो'स मा'जा'य कुस छुय म्योन ।

च_य ग'छ_ख मे क्षण क्षण रोजा_न्य याद ॥

मा'जा'य मे हय र'ट्य चा'नी पाद ॥०॥

रायथन् काश्मीर

ही रानि ब्रा'री जा'री बोज़

रा'ज्ञाय रा'यथन् मूलाधा'री,
ही रानि ब्रा'री जा'री बोज़ ।
सा'र्यस्य जगतस छय सरदा'री ॥

ही रानि ब्रा'री जा'री बोज़ ॥०॥

थजरस आसन छुय शूभिदारी,
भ'क्तयन बखशन हा'री च_य ।
धर्म_ कुंङ_ चानि छुय अमृत जा'री ॥

ही रानि ब्रा'री जा'री बोज़ ॥०॥

छख दया दृष्टी करवुन्य च_पा'री ,
कर कृपा छख कल्याण का'री च_य ।
भाव_ पोष लागोय चे_य चार्य चा'री ॥

ही रानि ब्रा'री जा'री बोज़ ॥०॥

चरणन चान्यन अ'स्य पा'र्य पा'री,
शूर्य अ'स्य चा'री तु फया'री चान्य ।
नख_ डुख_ मा'ज रोज़ छख वुपका'री ॥

ही रानि ब्रा'री जा'री बोज़ ॥०॥

वारि असि ख'त्यमृत्य पाप्_न्य वा'री,
फ्र'र्य या'द्य आयि ननुवारी योर ।
चा'नी सथ असि पालनहा'री

ही रानि ब्रा'री जा'री बोज़ ॥०॥

ह्यन् आयि कुहन् पा'ठ्य येमि समसा'री,
दुखुवय नेत्र_ ओ'श जा'री रूद ।
बोज़ि कुस सोनुय करि कुस या'री ॥

ही रानि ब्रा'री जा'री बोज़ ॥०॥

रा'यथन् आसुवन्य च_ मूलाधा'री,

नागु बलु छु अमृत जा'रीये ।

लुकुटय पोरि अ'शमुकामु लगुहोय पा'री ॥

ही रानिब्रा'री जा'री बोज ॥०॥

माजी छे शुर्यनय हन्ज जिमुवा'री,

च_य असि करुवन्य या'री छख ।

ला'निस अथु डाल बनि मुकजा'री ॥

ही रानिब्रा'री जा'री बोज ॥०॥

“सा'यिलस” चलि किथ वो'न्य बेकरा'री,

जाती करतु वो'धा'रीये ।

युथ अ'स्य नवहव तु फोलहव सा'री ॥

ही रानिब्रा'री जा'री बोज ॥०॥



माता शारिका

(हारी पर्वत काश्मीर)

चरणु कमलन हय वंदय अ'छ गाश

माता शारिका रछतम आश,

चरणु कमलन हय वंदय अ'छ गाश ।

चानि पूजायि हुन्द कति अन बाश ॥

चरणु कमलन हय वंदय अ'छ गाश ॥०॥

गणिशिवलु प्यठु ह्यमु प्रदिक्षण द्युन,
वातान वातु बो सतुरे'शन कुन ।

तति वुछि पानय ब' फाल तय राश ॥

चरणु कमलन हय वंदय अ'छ गाश ॥०॥

तमि पतु जालायि कर नमस्कार,

बोज्ञान सारिनुय सो'य छय जार ।

सो'य करान पापन सान्यन नाश ॥

चरणु कमलन हय वंदय अ'छ गाश ॥०॥

अति नीरिथ वातु दीवी आंगन,

मंज्य छुम पकुन वादाम वार्यन ।

नाव चोन सो'रु दितुमी मे यादाश ॥

चरणु कमलन हय वंदय अ'छ गाछ ॥०॥

हेरि तल आस दास ग'न्जारावतम,

मा'जा'य आलवन कन थावतम ।

द्यव कर्म ला'निस नेरुयम वाश ॥

चरणु कमलन हय वंदय अ'छ गाश ॥०॥

हेरि हेरि ह्यो'र खो'तुस चोन दर्बार,

च'क्रेश्वरी तति अपरमुपार ।

कासान जागतस तति च पादाश ॥

चरणु कमलन हय वंदय अ'छ गाछ ॥०॥

शेलायि चानि भावु नेवु अ'श जाल,

अदु चलि मे म'त्यतिस मनसुय मल ।

आलवय प्राण पात ती छुम राश ॥

चरणु कमलन हय वंदय अ'छ गाश ॥०॥

मुलि चौर्य मा'जा'य छुस औत यिवान,

मा'जा'य यिनु आसख मे म'शरान ।

“सा'यिलस” दर्शुन बनिहे काश ॥

चरणु कमलन हय वंदय अ'छ गाश ॥०॥

माता शारिका

(हारी पर्वत, श्रीनगर)

“इष्ट दीवी कष्ट कासतमन् लोलो”

मा'ज वृन्जि वृन्जि इखि आसतम त् लोलो,
इष्ट दीवी कष्ट कासतम त् लोलो
करत् अनुग्रहे'ह प्रत्यक्ष बासतम त् लोलो ॥

इष्ट दीवी कष्ट कासतम त् लोलो ॥०॥

मा'ज चे' वरा'य ह्यक् कस भा'विथ हाल,
चा'न्य सथ छम लछ सास गंज मोहरु लाल ।
छुस व् चोनुय च् पानुनावतम त् लोलो ॥

इष्ट दीवी कष्ट कासतम त् लोलो ॥०॥

म्या'न्य मा'जी ला'निस अथु डालतम्,
ह'ल्य अछर पा'न्य पानय सेज'रावतम ।
कर्म_खुर्य वां'सि हन्ध कासतम त् लोलो ॥

इष्ट दीवी कष्ट कासतम त् लोलो ॥०॥

मा'ज पनुनी रछ यज्जथ त् मान च् म्योन,
शोभु वर्शुन करत् थवत् शान थो'द म्योन ।
पास कर दास ग'न्जरावतम त् लोलो ॥

इष्ट दीवी कष्ट कासतम त् लोलो ॥०॥

छख च् शीतल चन्दुनच शे'हलथ दितम,
छुम मे' संतापु तच्च तावि ओ'नमुत सितम ।
छुमन् मन शांत ब्रान्थ कासतम त् लोलो ॥

इष्ट दीवी कष्ट कासतम त् लोलो ॥०॥

चानी दयायि मे'ह' पीड़ा मे' मुकल्यम,
ह्यन मे' अरुसरु पो'त आपदा मुकल्यम ।
करतुम कृपा हे'छनावतम तु लोलो ॥

इष्ट दीवी कष्ट कासतम तु लोलो ॥०॥

कथ अय रावि ते'लि गिरुनस छुनु कांहशक,
वथ अय शुर्यनुय रावि मा'ज हावान छख ।
यथ कौमस ग्रीन कासतम तु लोलो ॥

इष्ट दीवी कष्ट कासतम तु लोलो ॥०॥

दोद मा'जी शुर्यनुय हुन्द करतु पास,
धक जदनुय कुस बी दियि असि दिलास ।
दग छि "सा'यिलस" सम्भलावतम तु लोलो ॥

इष्ट दीवी कष्ट कासतम तु लोलो ॥०॥



वारु बोज जारु पारु करने आस

पास कर दास छुस चोन छुम आसरु,
वारु बोज जारु पारु करने आस ।
मा'ज शारिका'यय छख दया सागरु ॥

वारु बोज जारु पारु करने आस ॥०॥

सथ छम चा'नी सन्तुष्ट मे रोजतम,
बोजतम तु वनुहय अहवाल सोर ।
बोजिमा व्याख वनु कस छुस लाचार ॥

वारु बोज जारु पारु करने आस ॥०॥

आश छम तु गाश फो'लनय छुस लारान,

प्रारान कर दिख दयायि दान ।

दितु मे ति केँछाह अमि बड़ि अंबारु ॥

वारु बोज़ ज़ारु पारु करने आस ॥०॥

छुम दो'खव दाद्यव नाल जुन वो'लमुत,

गो'लमुत हन हन शीन जन छुस ।

पनुन्यन तु परधन निश गोमुत नाकारु ॥

वारु बोज़ ज़ारु पारु करने आस ॥०॥

समसार ज़ालस मोह जंजालस,

जान क्रीड़ ज़ालस वलुनय आस ।

वेषयव को'रमुत क्याजि छुस आवारु ॥

वारु बोज़ ज़ारु पारु करने आस ॥०॥

मन छुनु डंजि मा'ज अख पल रोज़ान,

बोज़ान कोनु छख छुस वरफ़तार ।

करु क्याह मारु गोस समंयि कि व्यवहारु ॥

वारु बोज़ ज़ारु पारु करने आस ॥०॥

नरकुव्य नारन अं'दरी ज़ोलुस,

गोलुस लूभन तु क्रूधन पूर ।

संतापन छठ क'ड़ कूत काल प्रारु ॥

वारु बोज़ ज़ारु पारु करने आस ॥०॥

सर्वसिद्धि दायिनी महा भय नाशनी,

छख ग्रह पीड़ा निवारणी, ।

छख च'य पापन कर वुन्य समहार ॥

वारु बोज़ ज़ारु पारु करने आस ॥०॥

बंद तय भा'य यार दोस छिम गेलान,

तेलान छुम क्याजि छुस ब' अंजान ।

मुकलाव संकट मंज कर मे केँह चारु ॥

वारु बोज़ ज़ारु पारु करने आस ॥०॥

दूर कर मे अज्ञान आलवय टोठय प्राण,
जिगरु कि खून जाल शमाह दान ।
मुनि फलिनुय हुन्द गरय मुख्तु जालारु ॥

वारु बोज जारु पारु करने आस ॥०॥

मीठय मा'ज दिमुहा चान्यन वतनुय,
कथनुय चान्यन रछि करुहा ।
मनुचे भावणायि ख्यावहथ फलहार ॥

वारु बोज जारु पारु करने आस ॥०॥

आंथु रो'स सो'दराह जन छुयि समसारु,
नाबुकार छुस मा'ज कति लबु तार ।
दितु मे ति दर्शुन छवु तरु ब'ति तारु ॥

वारु बोज जारु पारु करने आस ॥०॥

जानु कति पूजा लीला परु क्याह,
स्वरु क्याह बेखबर चोनुय नाव ।
स'हस्त्रनाम क्या सना गव महिमना पारु ॥

वारु बोज जारु पारु करने आस ॥०॥

फेरान अ'न्य अ'न्य छुस पोशि ग'न्य ह्यथ,
द'द्य द'द्य चा'निस परबतस ।

लोलु सान गो'ण चा'न्य छुस ग्यवान वारुकार ॥

वारु बोज जारु पारु करने आस ॥०॥

छुस वृति जगतुक ब'ल्य अख जान्दारु,
शान्दार मा'जी छु "सा'यिल" मे नाव ।

करतय मे ति भ'क्तयन मंजु शुमारु ॥

वारु बोज जारु पारु करने आस ॥०॥



जा'री बोजतय जा'रीये

पम्पोशि पादन लगुहोय पा'री,
जा'री बोजतय जा'रीये ।

मा'ज भवा'न्य जगुच छय सरदा'री ॥

जा'री बोजतय जा'रीये ॥०॥

दुखजद लारान ननुवा'र्य आय,

पाय कर सोनुय अंजुराव न्याय ।

चेय रो'स बोजि कुस सा'न्य वीलजा'री ॥

जा'री बोजतय जा'रीये ॥०॥

येछि पछि पम्पोशि पूजा करुहय,

परुहय स'हत्र नाम जालुहय दीफ ।

स्मरण करनुच दिमि गाटु जा'री ॥

जा'री बोजतय जा'रीये ॥०॥

मन छुम चञ्चल कुनि छमनु अठकल,

बल छुमनु करुहा तफ तय जफ ।

शुर्य छी मा'ज छख कल्याण का'री ॥

जा'री बोजतय जा'रीये ॥०॥

पापव वोलुम अंधकार करु क्याह,

परु क्याह शास्त्र तु कति छुम ज्ञान ।

ज्ञानु कयन बरन्यन मुचराव ता'री ॥

जा'री बोजतय जा'रीये ॥०॥

समसार बा'ज्यगार वति छुम डालान,

जालान छुम क्रूध मोह तु अंधकार ।

मूर्खस अहम् छुम गोमुत जा'री ॥

जा'री बोजतय जा'रीये ॥०॥

शुभं यो'द आसन अंजान नादान,
हावान वथ मा'ज करान अथु रो'ट ।
दर्शुन छख दिवान बेयि करान या'री ॥

जा'री बोजतय जा'रीये ॥०॥

गो'ण चा'न्य ग्यवनुक य'च छुम मे अमान,
शान छय थ'ज मा'ज छ'ख शांदार ।
बो'द्ध छमनु वातान छम शर्मदा'री ॥

जा'री बोजतय जा'रीये ॥०॥

चानि डे'डि तल छुस बोजतम नाद,
शाद दिल गछिहे कासतम व्याद ।
संताप सा'त्य छिम मे अशिकी टा'री ॥

जा'री बोजतय जा'रीये ॥०॥

न्यर्मल मन चोन शीतल सुभाव,
अभाव भक्ती हुन्द छुम अभाव ।
नाव चोन भ'क्तयन कासुवुन खा'री ॥

जा'री बोजतय जा'रीये ॥०॥

त्र'यलूकी हन्ज रक्षा म'टि छय,
हटि छय सो'न्य मालु क्याह ना'पान ।
डे'कि छुय च'न्द्रम जामु जरका'री ॥

जा'री बोजतय जा'रीये ॥०॥

वां'सि रो'ट मे दामानु चोनय वा'सिल,
“सा'यिल” छुस सवाल बोजखना ।
गथ बो करुहय दितय राहदा'री ॥

जा'री बोजतय जा'रीये ॥०॥



वैष्णव माता (जम्भू)

(पादन लगुहा'य पार्य)

वैष्णव माता कन थव मे नादन,

पादन लगुहा'य पार्य ।

च_य छख वातान सान्यन दादन ॥

पादन लगुहा'य पार्य ॥०॥

ननुवोर येछि पछि आसय लारान,

बरन्यन मुचराव ता'र्य ।

च_य छख सथ रछान सेद्यन तु सादन ॥

पादन लगुहा'य पार्य ॥०॥

चानी दयायि हुन्द यश तरफातन,

तनु मनु च_ये नमान सा'र्य ।

मन तु प्राण अर्पण करनस नु लादन ॥

पादन लगुहा'य पार्य ॥०॥

आश छख थावान आशावानन,

यिम कृपायि चानी छि ला'र्य ।

च_य बरान यछ छख लोलु यरादन ॥

पादन लगुहा'य पार्य ॥०॥

असि छुनु मन डंजि र'ट्टय गिर्दावन,

कति यियि वथ अ'न्य सा'र्य ।

च_य मा'ज डखि छख यी छा आदन ॥

पादन लगुहा'य पार्य ॥०॥

कट्टराह प्यठु द्रायि सुलि गरि शामन,

हाथी मथा वा'त्य अद कंवा'र्य ।

स्यद पीठ वा'तिथ श्वाद दिलशादन ॥

पादन लगुहा'य पा'र्य ॥०॥

दर्शन चानी चलि वर डयकु लान्यन,

पाप शाप मुकलन सा'र्य ।

गोश असि थव मा'ज दादु बिदादन ॥

पादन लगुहा'य पा'र्य ॥०॥

चानी शक्ती राक्षस रुद ह्यन,

छल छिदरि लोग छम्बु छा'र्य ।

पसपा सपद्यव डोठ प्योस वादन ॥

पादन लगुहा'य पा'र्य ॥०॥

ग्रज वुथान जायि-जायि सुबहन तु शामन,

“जय माता दी” चु.पा'र्य ।

ग्रंद छनु तति रोजान तेदादन ॥

पादन लगुहा'य पा'र्य ॥०॥

बड़ि दर्बारुच छम मनुकामन,

थवतु मा'ज यादावा'र्य ।

“सा'यिलस” कल गनि सतु समवादन ॥

पादन लगुहा'य पा'र्य ॥०॥



मा'ज जिष्टा

(जीठ्य या'र कश्मीर)

“जेठु ब्रसवारे हावि दर्शुन”

दो'छ दो'छ पछि पोश लागव अछिदारे,
जेठ ब्रसवारे हावि दर्शुन ।
जिष्टायि भावु पोश लागव वारिवारे ॥

जेठु ब्रसवारे हावि दर्शुन ॥०॥

जीठ्य या'र हेरि अ'स्य खसव पावि पावे,
फल नेरि छवु ध्यानु धारुनाये ।
अमृत नागुचे अमृत धारे ॥

जेठु ब्रसवारे हावि दर्शुन ॥०॥

स्यद पीठ चा'नी छे शांती शाये,
तपरेष्य तति मूक्ष्य सपद्याये ।

तस क्याह छु हाजथ यस यि मा'ज यारे ॥

जेठु ब्रसवारे हावि दर्शुन ॥०॥

गो'ण चा'न्य कुस वनि कुस गं'जरावे,

कुस सना त्युथ ज्ञान व्यछनुावे ।

महिमा माजि हुंद कुस व्यस्तारे ॥

जेठु ब्रसवारे हावि दर्शुन ॥०॥

चु'शवुन्य वीदन अंद कुस गारे,

सुय धर्म कर्म च येन्य यारे ।

ॐ शब्दु सुय सूहमपन खारे ॥

जेठु ब्रसवारे हावि दर्शुन ॥०॥

वासनायि लथ दिथ चाने प्यारे,
अ'स्य यिवान ननुवा'र्यं तु ननुवारे ।
चानि कृपायि असि द्यव् केंह लारे ॥

जेठु ब्रसवारे हावि दर्शुन ॥०॥

अथु रोट करि कुस दो'ख न्यवारे,
कुस सना भवुसरु असि तारे ।
शुर्य छी चा'न्य मा'ज च्ये छी वारे ॥

जेठु ब्रसवारे हावि दर्शुन ॥०॥

येमि बा'न्ध वानु कुस असि मुकलावे,
अ'न्दरेट्य तु गंड कुस मुसटावे ।
आ'दीनन ओ'श वसान दारि दारे ॥

जेठु ब्रसवारे हावि दर्शुन ॥०॥

“सा'यिल” ह्यनु आव येमि समसारे,
ला'निस मे अथु डाल केंह सारे ।
चाने अनुग्रहे द्यव् संदारे ॥

जेठु ब्रसवारे हावि दर्शुन ॥०॥



ब'हय प्रारय चानि दर्बार् मा'जा'य

कति मे वथ छम वनत् को'त लार् मा'जा'य,

ब' हय प्रारय चानि दर्बार् मा'जा'य ।

कुसुय बोझम वन् कस जार मा'जा'य ॥

ब' हय प्रारय चानि दर्बार् मा'जा'य ॥०॥

छमना वासना शुद्ध मा'ज छुस ब' रावान,

मन छु चञ्चल युस न् कुनि सार थावान ।

नाव यीरु छम तरु कमि तारु मा'जा'य ॥

ब' हय प्रारय चानि दर्बार् मा'जा'य ॥०॥

चा'न्य स्यदु पीठ जीठुय यारु' आसुवुन्य छय,

मा'ज जिष्टा पानु त'त्य आसुवुन्य छय ।

सुख त् शांती त'त्यनुय गारु मा'जा'य ॥

ब' हय प्रारय चानि दर्बार् मा'जा'य ॥०॥

मा'ज समसार्ये खुर्यवुय जाल वूनुम,

हान् यी यी जांह मा सुलिचयूनुम ।

छलछदरे तुलनम अंधकार मा'जा'य ॥

ब' हय प्रारय चानि दर्बार् मा'जा'य ॥०॥

छख च् माता जुगतस रक्षा करान,

अन्जानन बेकसन पालना करान ।

छख हय मा'समन च् पालनहार मा'जा'य ॥

ब' हय प्रारय चानि दर्बार् मा'जा'य ॥०॥

दिल अन्दरिम्ह सिर जानु वुन्य छख मा'ज,

छुस ब' कंगाल अन् कति खोरु खंडु था'ज ।

छ'न्य प्राण हय बियम उपहार मा'जा'य ॥

ब' हय प्रारय चानि दर्बार् मा'जा'य ॥०॥

धर्म_ कर्म_ निशि रोवुस गोम युथ हाल,
क्रीठुथ संतापन मा'ज जा'जिम ताल ।
शो'भ दर्शन लबु शेहजार मा'जा'य ॥

ब' हय प्रारय चानि दर्बारु मा'जा'य ॥

आ'दीनन अनुग्रह छुम चोनुय,
इयकु फो'लुवुन शे'रुयम इयकु लोनुय ।

अदु "सा'यिलस" फो'लि मे गुलजार मा'जा'य ॥०॥

हुँ हय प्रारय चानि दर्बारु मा'जा'य ॥०॥



ही मा'ज जिष्टा'य करत् सोन पाय

चरणु कमलन हं_ज छम मे बस माय,
ही मा'ज जिष्टाय करत् म्योन पाय ।
सथ छि असि चा'नी, चा'नी राय ॥

ही मा'ज जिष्टा'य करत् सोन पाय ॥०॥

मोह मायायि असि ओ'नमुत ग्यूर,
लाचार, नादार, अ'स्य छि मजबूर ।
ह्यन आमुत्यन च_य करवुन्य न्याय ॥

ही मा'ज जिष्टा'य करत् सोन पाय ॥०॥

धर्म_चि वति हं_ज कल मे ग'निराव,
लछि गा'मुत्यन असि दर्शुन हाव ।
वति रा'व्य गाश हाव कासतय छाव ॥

ही मा'ज जिष्टा'य करत् सोन पाय ॥०॥

आज्ञान् अंधकार वति डालान,
समसार्य व्यवहार म'चुरावान ।
ज्ञान् दात्री दितु ज्ञान् समपदाय ॥

ही मा'ज जिष्टा'य करतु सोन पाय ॥०॥

चानि स्मरणि बनि भवसुर तार,
चोनय ध्यान कर्मक व्यसतार ।
कथ सना कित्य अ'स्य जन्मस आय ॥

ही मा'ज जिष्टा'य करतु सोन पाय ॥०॥

नीचन शो'जार कर गा'गल कास,
सनमुख माता विजि विजि बास ।
कर्म लोन सोन शेर मुकलि व'ह्यवाय ॥

ही मा'ज जिष्टा'य करतु सोन पाय ॥०॥

मन छुम वो'दा'स्य मा'ज कर असि दया,
पाप कास अपराधन कर क्षमा ।
भ'क्तयन ह'न्दि पासु बर शुर्यन माय ॥

ही मा'ज जिष्टा'य करतु सोन पाय ॥०॥

च'य सिद्धि दायिनी, सुख दायिणी,
कल्याण कारिनी, भय नाशिनी ।
ही दो'ख निवारिणी च'य कर वो'पाय ॥

ही मा'ज जिष्टा'य करतु सोन पाय ॥०॥

कुस बनि दाय मा'ज कुस दियि राय,
ग्रक्वन्त्य छम मा'ज संतापक्राय ।
कर कृपा सा'यिलस डेड़ तला आय ॥

ही मा'ज जिष्टा'य करतु सोन पाय ॥०॥



माता जिष्टा थवत् असि ध्यान

अनजानन असि न कुनिची जान,
माता जिष्टा थवत् असि ध्यान ।
दर्शन चानि सा'त्य सपदि कल्याण ॥

माता जिष्टा थवत् असि ध्यान ॥०॥

छख जाबर वनची मा'जाह जान,
इल दा'हिस प्यठु कनि चोन अस्थान ।
स्वंगुच शांती यस वृ तस दिवान ॥

माता जिष्टा थवत् असि ध्यान ॥०॥

यो'दवय शुर्य करन कांह गफलत,
बखशान मा'ज छख हावान वथ ।
कु पुत्र छि का'त्य छेनु कुमाता बनान ॥

माता जिष्टा थवत् असि ध्यान ॥०॥

आ'रचर चे'य वरा'य कुस छु बोजान,
वातान न दादस कुस छु असि सनान ।
असि छि चा'न्य यछ तु पछ च'य सथ रछान ॥

माता जिष्टा थवत् असि ध्यान ॥०॥

कुकर्म क'र्य संकट छि भूगान,
कष्ट कासवुन्य का'चाह छख महान ।
दयि पछ त्रा'व अ'स्य छि हालि हा'रान ॥

माता जिष्टा थवत् असि ध्यान ॥०॥

भ'क्ती त्रा'व ल'ग्य पापु कर्मस,
कल छेनु गनान असि मंज धर्मस ।
वति लाग अठकल नत् छि यीरान ॥

माता जिष्टा थवत् असि ध्यान ॥०॥

पूजा तु पाठ छुनु करुनुय तगान,
स'हस्त्र नाम पंचस्तवी छेनु यिवान ।
यी नु पजि ती छि क्षण क्षण व्यच्चारान ॥

माता जिष्टा थवतु असि ध्यान ॥०॥

मन्त्र तु तंत्र अ'स्य नु जानान,
छिनु अ'स्य जानान स्मरण तु ध्यान ।
“सा'यिलु” तफ तु जफ छिनु सादान ॥

माता जिष्टा थवतु असि ध्यान ॥०॥



मा'ज जिष्टा'य आसय दस बसत् लोलो

मा'ज जिष्टा'य आसय दस बसत् लोलो,
प्राण वन्द्यय जार बोजु नस तु लोलो ।
पान आलवय छुम सु दर दसत् लोलो ॥
प्राण वंद्यय जार बोजानस तु लोलो ॥०॥

चानि दर्शन पाप शाप सपदान दूर,
चानि पर तवु अनि गटि मंज फो'लान नूर ।
आस बंदगी छुस ब' बेकस तु लोलो ॥
प्राण वंद्यय जार बोजानस तु लोलो ॥०॥

जेठ ब्रसवारि दामन रो'ट मे चोनुय,
हालु अहवाल जानुवन्य छख सोनुय ।
पा'र्य लगुहय जीठयया'रसत् लोलो ॥
प्राण वंद्यय जार बोजानस तु लोलो ॥०॥

मनु मंदरस मंज आसन ब' थावय,
येमि बदनच चम त'थ्य वथुरावय ।
दोफ जालय खूनि जिगर सतु लोलो ॥०॥

प्राण वंदयय जार बोजनस तु लोलो ॥०॥

इल बठि प्यठ मनु तारि नाद लायय,
चानि आंगनु भ'क्ती साज वायय ।
मा'ज नादान शुर्यनुय प्यठ दया कर,
ज्ञान दात्री आ'रतिस प्यठ कृपा कर ।
करतु अनुग्रेह दिल छुम मे खसतु लोलो ॥

प्राण वंदयय जार बोजनस तु लोलो ॥०॥

चानि स्यदु पीठु सन्तुष्ट सपद्यम मन,
जन्मन हं जि यात्रायि सपद्यम छयन ।
चलि मे जन्मुक खुर कर्मस तु लोलो ॥

प्राण वंदयय जार बोजनस तु लोलो ॥०॥

छुमनु अनुमान जानु कति पूजा तु पाठ,
मो'ह मायायि को'रनस धर्म कर्म काठ ।
सथ स'मीर छय चा'न्य "सायिलस" तु लोलो ॥

प्राण वंदयय जार बोजनस तु लोलो ॥०॥



मा'ज जाला

(ख्रि काश्मीर)

“पाद हय छलय रुनि पाद छलय”

जाला च_ छख मा'ज न्यर्मलय,
पाद हय छलय रुनि पाद छलय ।
माता मे कल चा'न्य प्रथ पलय ॥

पाद हय छलय रुनि पाद छलय ॥०॥

ख्रि चोन अस्थान शूभिदार,
थजारस च_ माता शा'दार ।
रूप चोन सुन्दर कोमलय ॥

पाद हय छलय रुनि पाद छलय ॥०॥

मनु प्रेयम् सरु गो'तु गो'थ करान,
जेरि लोलु ओ'श नेत्रव हरान ।
दर्शुन दि मा'ज बे मार बलय ॥

पाद हय छलय रुनि पाद छलय ॥०॥

छख मा'ज जगतुच कर दया,
आमृत्य गदा छी कर कृपा ।
जा'री करान चरनन तलय ॥

पाद हय छलय रुनि पाद छलय ॥०॥

मायायि जालन आवुरा'व्य,
मोह छटि तु अनिगटि वति रा'व्य,
माता च_ मुकलाव कुनि छलय ॥

पाद हय छलय रुनि पाद छलय ॥०॥

अज्ञान्कुय असि वेह तू रेह,
चंदनच चे शेहलथ मा'ज छे ।
शेहलाव तय अमृत जलय ॥

पाद हय छलय रुनि पाद छलय ॥०॥

हेरि चानि युस खसि पोव पोव,
नागु चानि युस वसि पोव पोव ।
गथ प्रावि चावि डेड़ि तल कलय ॥

पाद हय छलय रुनि पाद छलय ॥०॥

छम नेह नेन्दुर पापव नीमच-
बेयि छम कुकर्मव बो'द्ध खेमच ।
वथ हाव वति लाग अठ कलय ॥

पाद हय छलय रुनि पाद छलय ॥०॥

दितु मा'ज भ'क्ती फो'लि मे मन,
गछतम मे बखशिय गछ-प्रसन्न ।
नतु कुस सन्यम अं'दरी गलय ॥

पाद हय छलय रुनि पाद छलय ॥०॥

छुस गुल्य गं'ड़िय बदं-गी करान,
क्षण क्षण छु "सा'यिल" नाव स्वरान ।
दिम ह्यस ब' यिनु स्मरणि डलय ॥

पाद हय छलय रुनि पाद छलय ॥०॥



कासतम ग्रोनुय मुकल्यम हान

जाल मुख खू_वि बोजि आ'र्च_र म्योनुय,

कासतम ग्रोनुय मुकल्यम हान ।

चान्यन वतुनुय वंद_ जुव पनोनुय ॥

कासतम ग्रोनुय मुकल्यम हान ॥०॥

चानि दर्बार कुस छु खा'ल्य नेरुवोनुय,

युस यी मंगान तस च_ ती बखशान ।

सुन्दर रूप चोन मूक्ष दिवुवोनुय ॥

कासतम ग्रोनुय मुकल्यम हान ॥०॥

चोनुय अनुग्रेह सुख करुवोनुय,

छख दयावान मा'ज कर वो'न्य कल्याण ।

भ'क्तिस हाव मा'ज शुभ दर्शोनुय ॥

कासतम ग्रोनुय मुकल्यम हान ॥०॥

कुस अखा असि मंजा धर्म करुवोनुय,

कुकर्म क'र्य अदु फल छि लोनान ।

मा'ज छख शुर्यसुय डो'ख छुम चोनुय ॥

कासतम ग्रोनुय मुकल्यम हान ॥०॥

पीड़ायि चरि ग'यि छुसनु जरुवोनुय,

मोह अंधकारन को'रनम फान ।

शुभ अथु शेरुम कर्मय लोनुय ॥

कासतम ग्रोनुय मुकल्यम हान ॥०॥

चोनुय छु आसरु ब्रोंठ पकवोनुय,

चा'नी दया असि जिन्दु थावान ।

च_य नय कन थवख बोजि कुस सोनुय ॥

कासतम ग्रोनुय मुकल्यम हान ॥०॥

मूर्ख तु नादान शूर छु आसवोनय,
मा'ज छख क्षमा करान छख दयावान ।
मा'जी छे जानान पुत्रय तोनुय ॥

कासतम ग्रोनय मुकल्यम हान ॥०॥

चंदु छो'न "सा'यिल" छुय मंदु छोनय,
छुय हलम दा'रिय दिस भ'क्तीदान ।
सु छु वां'सि चोनय नाव बजुवोनय ॥

कासतम ग्रोनय मुकल्यम हान ॥०॥



मा'ज उमा दीवी

(वुयन ख्रिव तु ब्रारि आंगन कश्मीर)

“ही उमा भवा'णी सहायतस रोज”

इष्ट दीवी छख कष्ट कासा'नी,
ही उमा भवा'णी सहायतस रोज ।
त्रेशवुन्य भवनन छख च_ पाला'नी ॥

ही उमा भवा'णी सहायतस रोज ॥०॥

वुमायि चोन अस्थान पुराता'नी,
ख्र_वि वुयन छख च_ आसा'नीये ।
जालायि नख छख च_ मा'ज रोजा'नी ॥

ही उमा भवा'णी सहायतस रोज ॥०॥

बालु हामि बाला दीवी नुन्दुवा'नी,

सा'रुय स्रेष्टी चा'नी ये ।

रंगु रंगु कुंगु पोश छख छावा'णी ॥

ही उमा भवा'णी सहायतस रोज ॥०॥

छय वुयन नागस वुजिन्याह चा'नी,

जगतस च_य सगुवा'नी ये,

चानी अनुग्रहे अ'स्य छि ज_वा'नी ॥

ही उमा भवा'णी सहायतस रोज ॥०॥

सेद्यन तु सादन अथु रो'ट करा'नी,

पान छी च_य पुशरा'नी ये ।

कर दया, कर कृपा रछतु सथ सा'नी ॥

ही उमा भवा'णी सहायतस रोज ॥०॥

प्रातः कालस छख च_ बा'गरा'नी,

श्रद्धायि यिम छि मंगुवा'नी ये ।

छेन्य हलम छ'र्य चंद छख च_ बरुवा'नी ॥

ही उमा भवा'णी सहायतस रोज ॥०॥

चा'नी यछ पछ मा'ज छख सा'नी,

शुर्य छि अ'स्य अंजान चा'नीये ।

नेशबुद्धिनुय प्यठ कर मेहरबा'नी ॥

ही उमा भवा'णी सहायतस रोज ॥०॥

“सा'यिलस” छि धनु दार अख सथ चा'नी,

जांह ति छमनु परु पावा'नीये ।

चानि स्मरणि रो'स छु सोख्य फा'नी ॥

ही उमा भवा'णी सहायतस रोज ॥०॥



मा'ज गौरी शोरी (गेरू कश्मीर)

“ ब' हय अर्द_ रातन लायय नाद ”

मा'ज गौरी शोरी बोजि फ'र्ययाद,

ब' हय अर्द_ रातन लायय नाद ।

लो'लि लल्लुनावु चा'न्य पम्पोशि पाद ॥

ब' हय अर्द_ रातन लायय नाद ॥०॥

पछ छम चा'न्य प'ज् सथ रछतम,

लेछि छुस गोमुत यछ बरतम ।

राग वो'पदावतम कासतम व्याद ॥

ब' हय अर्द_ रातन लायय नाद ॥०॥

चाने अनुग्रह फो'लिहम बाग,

सो'खु मो'खु वुजिहेम मा'ज अनुराग ।

लाग चठतम तु मन करतम शाद ॥

ब' हय अर्द_ रातन लायय नाद ॥०॥

सा'री सो'ख चये निश पाथान,

मुशकिलन चानि अथु सपदि आसान ।

कुस सन्यम वादन कुस दियम दाद ॥

ब' हय अर्द_ रातन लायय नाद ॥०॥

शां'ती बोन्यन हुंद शेहजार,

नागु चानि वुजुवन्य अमृत धार ।

बास चोन पोशन मंज अहलाद ॥

ब' हय अर्द_ रातन लायय नाद ॥०॥

चानि यारुबलु चलान पाप तय मल,

शाप पो'त द्यवान जीव बनान निर्मल ।

चानि पूजायि क्याह मेछर तु स्वाद ॥

ब' हय अर्द रातन लायय नाद ॥०॥

मा'जा'य अर्जी थव मे मन्जूर,

ओ'र जुव तु दो'र को'ठ थव अछ'पूर ।

मुबु शाम राथ दो'ह रोजतम याद ॥

ब' हय अर्द रातन लायय नाद ॥०॥

“सा'यिलस” पछ चा'न्य, माजि हुंद श्रेह,

च'य छेहम नखु इखु सो'य छम तेह ।

धर्म'क तु कर्म'क दितम दन साद ॥

ब' हय अर्द रातन लायय नाद ॥०॥



बोजि मा'ज म्या'नी गौरी शोरी

हृदयस मंज रटु रुनि पाद चा'नी,

बोजि मा'ज म्या'नी गौरी शोरी ।

भ'क्तयन दुर्गत छख च' कासा'नी ॥

बोजि मा'ज म्या'नी गौरी शोरी ॥०॥

गेरि नूर पोरि छख वास करवा'नी,

तति कृपा चा'नी छे सारिनुय बनान ।

अमृत नागु चानि मूक्ष मेला'नी ॥

बोजि मा'ज म्या'नी गौरी शोरी ॥०॥

बोनि चानि स्वरगुच बेहलथ दिवा'नी,
शो'भ वर्णा'नी मन्दरुक्क साम ।
अनुग्रहे आंगनु सो'ख वो'पदा'नी ॥

बोजि मा'ज म्या'नी गौरी शोरी ॥०॥

चानि स्यद् पीठु कसनु बनि कामरा'नी,
पूरु सपदा'नी छे मनोकामना ।
चानि बरनि प्यठ युस च' नाद लाया'नी ॥

बोजि मा'ज म्या'नी गौरी शोरी ॥०॥

तस क्याह छु हाजथ यस दया चा'नी,
ब'ड़ मेहरबानी यस करान छख ।
सुख तु सम्पदा तस छे मीठुय दीवा'नी ॥

बोजि मा'ज म्या'नी गौरी शोरी ॥०॥

युसति ओखत चा'न्य पूजा करा'नी,
ध्यान दारा'नी येछि पछि चोन ।
शा'न्ती तस बनान छुय बनान दा'नी ॥

बोजि मा'ज म्या'नी गौरी शोरी ॥०॥

आसरु चानी त्रिभवण पका'नी,
छख कासा'नी जुन्मुक्य खुर्य ।
अकि दया दृष्टियि जागत हर्षा'नी ॥

बोजि मा'ज म्या'नी गौरी शोरी ॥०॥

पापु हरणु दरबि ला'व्य युस वाला'नी,
युस छु सारा'नी पम्पोशि फो'त्य ।
चिव्य डूर्य, गो'डुंय पेठुय व्यनु सो'म्बरा'नी ॥

बोजि मा'ज म्या'नी गौरी शोरी ॥०॥

कम भ'क्त्य जान तय संत लारा'नी,
अ'स्य प्रारा'नी दर्शनस च'ये ।
क'रथक कृपा ह्व च'ये स्मरा'नी ॥

बोजि मा'ज म्या'नी गौरी शोरी ॥०॥

चानि नूर नूरपूर छुय नूरा'नी,
माजिहुंद माल्युन आसा'नी म्योन ।

“सा'यिलस” कर दया सथ छस चा'नी ॥

बोजि मा'ज म्या'नी गौरी शोरी ॥०॥



मा'ज भवणी शोरी

(चन्द पूर हार्वन कश्मीर)

“बोजतम मे बारम्बार प्रणाम”

भवणी शोरी छख सूक्षदाम,
बोजतम मे बारम्बार प्रणाम ।
अशिवानि छलयय चा'न्य साम ॥

बोजतम मे बारम्बार प्रणाम ॥०॥

चानि डेड़ि तल छुस जन गदा,
पछ रछ मे बोजुम च'य सदा ।
दर्शुन दि प्रारान छुय गु'लाम ॥

बोजतम मे बारम्बार प्रणाम ॥०॥

वति लाग मे अठकल करु ब' क्रय,
बर म्यानि शो'जि बो'ज धर्म प्रय ।
कासतम मे लूभ मोह क्रूध तु काम ॥

बोजतम मे बारम्बार प्रणाम ॥०॥

म्या'निस मनस बस चा'न्य सथ,
हाव मा'ज भ'क्ती हन्जा मे वथ ।
करु चा'न्य स्मरण मुबु तु शाम ॥

बोजतम मे बारम्बार प्रणाम ॥०॥

ऋष तय मुनीश्वर गो'ण ग्यवान,
नारुद तु व्यास तो'ता करान ।
वो'न्य क्याह मुख सो'रि चोन नाम ॥

बोजतम मे बारम्बार प्रणाम ॥०॥

दामानु रो'टुम छम चान्य माय,
पम्पोशि पादन तल दि जाय ।
व्यस्तार दिम चलनम वो'लाम ॥

बोजतम मे बारम्बार प्रणाम ॥०॥

अमृत कुंड अमुत दितम,
मल वो'न्दि चलयम शम दम दितम ।
शा'ती दितम भ'क्ती यनाम ॥

बोजतम मे बारम्बार प्रणाम ॥०॥

दर्बार छु आ'लीशान चोन,
स्वर्ग द्वार छुना अस्थान चोन ।
सो'ख कर छु चोन प्रथ कांह अंदांम ॥

बोजतम मे बारम्बार प्रणाम ॥०॥

छुस चोन शुर मा'ज थवतु ध्यान,
करतम दया करतम कल्याण ।
कर शो'द्ध मे वासना शो'द्धि कलाम ॥

बोजतम मे बारम्बार प्रणाम ॥०॥

वति वति ब' छारान चोन पय,
कथि कथि भवान छम चा'न्य लय ।
व'न्य चये दिवान छुस शहरु गामन ॥

बोजतम मे बारम्बार प्रणाम ॥०॥

व्यनती करान दो'ह राथ च'य,
दो'ख दा'द्य म्या'न्य छी ज्ञात च'य ।
रुत फल दितम बेयि रुत अंजाम ॥

बोजतम मे बारम्बार प्रणाम ॥०॥

मन छुमनु रोज्ञान इन्जि मे जांह,
करु हा सो'च यथ चा'न्य आराधना ।
सा'यिल करान साष्टांग प्रणाम ॥

बोजतम मे बारम्बार प्रणाम ॥०॥



वथ हाव ही भवा'णी

सथ रछ सथु सम चा'न्य,
वथ हाव ही भवा'णी ॥
अमृतु वरु'न कर,
दर्शु'न दि राज रा'नी ॥

मोह मायायि वून जाल,	लूभन वो'ल असि नाल ।
काम क्रूध जालान ताल ॥	केह नय छिनु चाला'नी ॥०॥
अतु गथ जन्मन हुंद,	वरफेर कर्मण हुन्द ।
फल छुम नीचन हुन्द ॥	अरुसरुह करवा'नी ॥०॥
यछ पछ बस छम चा'न्य,	गमखार च'य छख म्या'न्य ॥
तस स्यदान कर्मय ला'न्य ॥	अथु यस च' डाला'नी ॥०॥
सो'न्दर रा'फ चोनुय,	शां'ती दिवुवोनुय ।
मुक्ती दिवुवोनुय ॥	बेयि कुसछु चोन सा'नी ॥०॥

छो'न नो'न छुस मंदुछान, पूज पाठ तफु तय दान ।
 छुम युहय य'च मे अर्मान ॥ छुस नु केंह जाना'नी ॥०॥
 चन्द पोरि चोन अस्थान, चमृत बा'गरावान ।
 असि ति वो'न्य करतु कल्याण ॥ भवणी शोरी सा'नी ॥०॥
 पापन निवारण कर, मुचराव जानुक्य बर ।
 "सा'यिलस" प्यठ दया कर ॥ डेड़ि तल छु प्रारा'नी ॥०॥



मा'ज बाला दीवी

(बालुहामा पाम्पोर कश्मीर)

“ कर दया बाला दीवीये ”

सन्तुष्ट रुजिथ माता वर दया,
 कर दया बाला दीवीये ।
 च_य छख विजया आसु व_न्य च_य जाया ॥
 कर दया बाला दीवीये ॥०॥

सतु के नागुरादु बुजि अमृत सुधा,
 येलि माता कुरि असि प्यठ कृपा ।
 अदु मेलि असि सथ व्यचारुक पया,
 कर दया बाला दीवीये ॥०॥

अथि अन रथि खार सा'न्य मेहनथा,
 दितु असि ओ'र जुव इखि रोज सदा ।
 वो'पदाव मनि सानि मंज मालया ॥
 कर दया बाला दीवीये ॥०॥

धर्म वति पकनाव दव नेरि मुदा,
मोह मायायि निश थव असि जुदा ।

कर्म यूगच असि गन्यराव तय लया ॥

कर दया बाला दीवीये ॥०॥

चोनुय अनुग्रहे चोनुय साया,

चय मा'ज क'र्येजि सोन वो'पाय ।

सथ असि चा'नी, चा'नी छय शय ॥

कर दया बाला दीवीये ॥०॥

सो'गुणस तु निर्गुणस मंज छमन् फर्खा,

लेखि मा'ज हितकारु अछरु वर्का ।

पाप शाप मुकलाव दुख संकट भय ॥

कर दया बाला दीवीये ॥०॥

कों'ग बुडर नख आसबुज ललु त्रागाह,

पदमा पोरस प्यठ चा'न्य नजराह ।

“सा'यिलस” छु आसरु करतु असुरन क्षया ॥

कर दया बाला दीवीये ॥०॥



महाकाली माता

(खानकाह मौला श्रीनगर)

“ का'ली कृपालिनी आ'र्च'र बोझ ”

शेहरि सिरीन'गरुच हय पोशि मा'ली,

का'ली कृपालिनी आ'र्च'र बोझ ।

अंदु अंदु बन्दु चा'न्य आमृत्य सवा'ली ॥

का'ली कृपालिनी आ'र्च'र बोझ ॥०॥

वितस्तायि बठि छुय चोनय अस्थान,

नागु चानि अमृत धारा वसान ।

संतापु नारन अ'स्य हय जा'ली ॥

का'ली कृपालिनी आ'र्च'र बोझ ॥०॥

चन्दु छैन्य वो'ड़_न'न्य द्रायि ननुवा'री,

गुल्य गं'डिथ आयि अ'स्य यो'त सा'री ।

पाण प्राण द्यथ आयि च'य किचु डा'ली ॥

का'ली कृपालिनी आ'र्च'र बोझ ॥०॥

मा'जा'य च'य करान राक्षसन समुहार,

कम कम व'ली छय चोन आहार ।

जामु चा'न्य जरकार्य ग'हन मुला'ली ॥

का'ली कृपालिनी आ'र्च'र बोझ ॥०॥

ग्रासु चानि पा'पियन होश डाला'नी,

चानि बीमु छिनु तिम ठ'हरा'नी ।

खडगु धारिनी छी गुण च' न्यरा'ली ॥

का'ली कृपालिनी आ'र्च'र बोझ ॥०॥

भ'क्तयन सायि चोन मा'ज भवा'णी,

च' वरा'य कस फि'किर छय सा'नी ।

गदिश चोन आका'श पाता'ली ॥

का'ली कृपालिनी आ'र्च'र बोझ ॥०॥

जुव वथरावहोय यिखना सा'ली,

फो'लिहे ज्ञन पम्पोश ह्युव मन ।

सोरुय छु चोनुय च'य किच'डा'ली ॥

का'ली कृपालिनी आ'र्च'र बोझ ॥०॥

चा'नी सथ असि'डखि छय अंदु वंद,

अची'बोझ अ'स्य छि हाजतमंद ।

“सा'यिलय” छु चंद छो'न अथु छिस खा'ली ॥

का'ली कृपालिनी आ'र्च'र बोझ ॥०॥



माता त्रिपुरा सो'न्दरी

(करफली मुहल्ला श्रीनगर)

“ ही त्रिपुरा सो'न्दरी पालना कर ”

लोलु तय मायि लागय हय पौशि गो'न्दरी,

ही त्रिपुरा सो'न्दरी पालना कर ।

अठकल दितम स्मरथ मनु अ'न्दरी ॥

ही त्रिपुरा सो'न्दरी पालना कर ॥०॥

चानी कृपायि भ'क्तयन बनान छय सिद्धी,

च'य निशि क्याह ख'टिथ सा'न्य दो'ख च'य वे'दी ।

रोज सहायतस असि यिनु मन ह'न्दरी ॥

ही त्रिपुरा सो'न्दरी पालना कर ॥०॥

त्युथ बल दितु युथ वश गछन येन्द्रे,
इंजि गो'छ रोजुन यि चञ्चल मन ।
युथन् लूभ बेयि कपट व्यापि मन् अ'न्दरी ॥

ही त्रिपुरा सो'न्दरी पालना कर ॥०॥

यूग सादुहव मा'ज असि करतु आ'ही,
सारि जगतुच छय च_ आगा'ही ।

यिम वतु छे कठिनि पकुन छु शीशि द'न्दरी ॥
ही त्रिपुरा सो'न्दरी पालना कर ॥०॥

त्रिपुरा च_य छख टर बोनि अ'न्दरी,
करफ'ल्य म'हलु किन्य चोन दीवी द्वार ।
भ'क्तयन वुजवान छख मोह नेन्दरी ॥

ही त्रिपुरा सो'न्दरी पालना कर ॥०॥

यिम येछि भावान आ'स्य कन्द कुन्दरी,
जग करान चोन तिकय चोरुम दुह ।
तिमनुय कर प्रकाश ही फल च'न्दरी ॥

ही त्रिपुरा सो'न्दरी पालना कर ॥०॥

“सा'यिल” जानि क्याह कमि सा'त्य स'न्दरी,
दितु तस गाटुजार कर तस कल्याण ।
दर्शुन दितस मा'ज अमि मन् अ'न्दरी ॥

ही त्रिपुरा सो'न्दरी पालना कर ॥०॥



बर्गशाखा भगवती

“ मा'जा'य करनि आयि चा'नी तो'ता ”

गायत्री रूप छखय बर्गशाखा,
मा'जा'य करनि आयि चानी तो'ता ।
वति रा'व्यमृतिसय हावतम वथा ॥

मा'जा'य करनि आयि चा'नी तो'ता ॥०॥

चानि बरनि तल छी वनान विलुजार,
चे'य छय दया चे'य छुय म्योन आर ।
सो'ख दिवुवन्य छि चा'नी गाथा ॥

मा'जा'य करनि आयि चा'नी तो'ता ॥०॥

चानि स्यद पीठ दो'ख भ'क्तयन नशान,
चानी अनुग्रहे सो'ख सपनान ।
सथ रछ असि छे बस चा'नी सथा ॥

मा'जा'य करनि आयि चा'नी तो'ता ॥०॥

दर्बारु चानि भेलि सतची प्रेरणा,
धर्म'च तु सा'ती सो'कर्नु'च प्रेरणा ।
अद' रोजि चलुवन्य परमपरा बेयि प्रथा ॥

मा'जा'य करनि आयि चा'नी तो'ता ॥०॥

मन वचन तु कर्म त'स्य हिव्य रोजान,
यस छे मा'ज आराधना बोजान ।
त'स्य यिवान रुच रुच अथा वथा ॥

मा'जा'य करनि आयि चा'नी तो'ता ॥०॥

ब्रं'जि ब्रं'जि चिहि चिहि युस मनुष्य स्मरी,
तस क्याह छु हाजथ वा'सि तय वुम्बरी ।

क्षण क्षण यस नेरि मो'खु चा'नी कथा ॥

मा'जा'य करनि आयि चा'नी तो'ता ॥०॥

सा'यिल छु ने'शबो'द्ध कवु ज्ञानि भ'क्ती,

तस अज्ञानु किन्य मा छि कांह शक्ती ।

कर क्षमा क'र मे दो'ह्य गफलथा ॥

मा'जा'य करनि आयि चा'नी तो'ता ॥०॥



जय माता सरस्वती

“ ही सरस्वती आसतम मे टोठान ”

ज्ञानु दात्री छखय अठकल दिवान,

ही सरस्वती आसतम मे टोठान ।

बो'द्ध दितम मा'ज वेयि विद्या दान ॥

ही सरस्वती आसतम में टोठान ॥०॥

चानी अनुग्रह छुय जगथ चलान,

अकलि हन्दि बजरय छुय प्रबन्ध बनान ।

च_य छख अज्ञा'नियन बखशान ज्ञान ॥

ही सरस्वती आसतम मे टोठान ॥०॥

सानि अकलि मा'जा'य दितु फा'फजार,

वथ छे नु यिवान दिख ना व्यस्तार ।

अदु दवु असि गछि पनुनी पछान ॥

ही सरस्वती आसतम मे टोठान ॥०॥

शो'ज बो'ज मा'जा'य दितु वुसजार,
 क्याह सही क्याह गलत गछि इजहार ।
 धर्म_च अधर्म_च करनाव जान ॥

॥०॥ हे सरस्वती आसतम मे टोठान ॥०॥

रुत करव रुत सो'रव रुत कांछव,
 दितु रुच बो'द्ध रुत वर्ताविव ।
 ज्ञानु प्रकाशि किन्य करतु कल्याण ॥

॥०॥ हे सरस्वती आसतम मे टोठान ॥०॥

नेशबो'द्यन मा'जा'य सथ हेछनाव,
 वति रा'व्यमृत्यनुय वथ च_य हाव ।
 युथ पकव सेजि वति नाव चोन सो'रान ॥

॥०॥ हे सरस्वती आसतम मे टोठान ॥०॥

“सा'यिलस” ह'ल्य अछर डेकि न'हनाव,
 मा'जा'य ज्ञानुचे बरनि मुचराव ।
 अदु करि सुबु शाम चोनुय ध्यान ॥

॥०॥ हे सरस्वती आसतम मे टोठान ॥०॥



माता लक्ष्मी

॥०॥ “ मा'ज पा'न्य पानय करतम दया ”

चानि रो'स समसार छुम वा'रानय,
 मा'ज पा'न्य पानय करतम दया ।
 लक्ष्मी टोठतम सो'रि सामानय ॥

॥०॥ मा'ज पा'न्य पानय करतम दया ॥०॥

लोह लंगर क्यथु पकि सोन कारखानय,

मो'हताज अ'स्य छि हा'रानय बोज ।

शुर्य बा'च आ'शानाव छिम नालानय ॥

मा'ज पा'न्य पानय करतम दया ॥०॥

समयाह सख गव छिनु वो'तलानय,

कुनि किन्य कुन नु वातानय बोज ।

कूठ प्योम चालुन छुस नु व्यत्रानय ॥

मा'ज पा'न्य पानय करतम दया ॥०॥

सो'नु रो'पु ब'र्य ब'र्य छि चा'न्य खजानय,

मुहरु द्यार छख बा'गरानय बोज ।

अन्न धनु हनु वनु छख सोजानय ॥

मा'ज पा'न्य पानय करतम दया ॥०॥

साम्थ मा छुम छुसह्य खोचानय,

पनुन्यन तु परद्यन मंदुछान बोज ।

अथु छो'र चन्दु छो'न छयपु दिवानय ॥

मा'ज पा'न्य पानय करतम दया ॥०॥

सो'ख तु सावय छख बखशावानय,

दो'र्गत च'य कासवानय बोज ।

चानि पीठ आनन्द छुय फिरयवानय ॥

मा'ज पा'न्य पानय करतम दया ॥०॥

कम कम बादशाह च'य पूजानय,

छख तिमन प्यठ मेहरवा'नय बोज ।

सर्व सम्पदायि किन्य तिम छि हर्षानय ॥

मा'ज पा'न्य पानय करतम दया ॥०॥

खीरु सागरु मंज द्रायख असानय,

मनुष्यन सो'छ करानय बोज ।

नारायनस छख सीवा करानय ॥

मा'ज पा'न्य पानय करतम दया ॥०॥

“सा'यिल” डेड़ि तल चे नाद लायानय,
कर कृपा छु आशावानय बोज़ ।
आ'दीनन अनाथस गछ टोठानय ॥

मा'ज पा'न्य पानय करतम दया ॥०॥



माता दुर्गा

“ त'स्य माजि दुर्गायि म्योन नमस्कार ”

यो'सु छे' दो'ख हरान सो'ख करान बार बार,
त'स्य माजि दुर्गायि म्योन नमस्कार ।
कष्ट संकट चटुन यस छु व्यवहार ॥

त'स्य माजि दुर्गायि म्योन नमस्कार ॥०॥

अष्टादशबो'जा करवुन्य कल्याण,
आरुहतिनय युस छे जार बोज़ान ।
शुभ वर्शन् यो'सु हरान अंधकार ॥

त'स्य माजि दुर्गायि म्योन नमस्कार ॥०॥

यो'सु ओ'गूर व्या'दियव निशि ब'चरावान,
कठिन्यव दो'खव निश मो'कलावान ।
यो'सु करान अधर्मस छे' पानु समहार ॥

त'स्य माजि दुर्गायि म्योन नमस्कार ॥०॥

येम्य सु'जा भ'क्ती छे रत्य फल दिवान,
येम्य सु'जि स्मरणि आनन्द बो'वान ।
ग्रेह पीड़ायन यो'सु करान लार ॥

त'स्य माजि दुर्गायि म्योन नमस्कार ॥०॥

दुर्गा शारिका शाम् सो'न्दरी,

शेर छुय वाहन परमेश्वरी ।

ओं'थु रा'स्ति भवसर छख दिवान तार ॥

त'स्य माजि दुर्गायि म्योन नमस्कार ॥०॥

गुल्य गं'डिथ "सा'यिल" दर इन्तिजार,

दर्शन बापथ सख बेकरार ।

चानी दयायि किन्य बनि मो'कजार ॥

त'स्य माजि दुर्गायि म्योन नमस्कार ॥०॥



जय दुर्गा जय जय जय दुर्गा

महा माया च_य छख जगत अम्भा,

जय दुर्गा जय जय जय दुर्गा ।

आयि पादन तल शरण बोज नादा ।

जय दुर्गा जय जय जय दुर्गा ॥०॥

शैल पुत्री च_य ब्रह्मचारिणी च_य,

सेद्धि दात्री च_य वनान कालरात्री ।

महा गौरी च_ आस_वृन्त्य च_न्द्रगंटा ॥

जय दुर्गा जय जय जय दुर्गा ॥०॥

कात्यायनी च_य तु च_य कुष्माण्डा,

छय न'विम मूरत चा'न्य सकन्द माता ।

यिमय नव मूर्तियि ग'यि नव दुर्गा ॥

जय दुर्गा जय जय जय दुर्गा ॥०॥

बन तु सनिदान करतु जागतस च_ कल्याण,
छख दयावान भ'क्तयन छख च_ रछान ।
भय कासान मो'क्लावान आपदा ॥

जय दुर्गा जय जय जय दुर्गा ॥०॥

चान्यन गो'णन हुन्द करुन अकि लटि श्रवण,
थो'द छु महिमा तमिकुय गछतु बोजन ।
त्युथ न हवनस, दानस तु कति पूजा ॥

जय दुर्गा जय जय जय दुर्गा ॥०॥

छख च_ वो'पद्रव कासान सो'ख बखशान,
छख च_ माजि ह_न्द पा'ठिन असिति रछान ।
छख च_ "सा'यिलन" येलि तेलि बोजान सदा ॥

जय दुर्गा जय जय जय दुर्गा ॥०॥



रोज सन्तुष्ट बोज फ'र्ययाद मा'जा'य

कर दया म्यानि भ'क्ती दि दाद मा'जा'य,
रोज सन्तुष्ट बोज फ'र्ययाद मा'जा'य ।

लोल पुछि मे बोज कुनुय नाद मा'जा'य ॥
रोज सन्तुष्ट बोज फ'र्ययाद मा'जा'य ॥०॥

चोन महिमा कुस सना जानि व्यछनिथ,
ब्रह्मा, विष्णु, महीश्वर हेक्यनु वखनिथ ।

चानि स्मरणि रस क्याह स्वाद मा'जा'य ॥
रोज सन्तुष्ट बोज फ'र्ययाद मा'जा'य ॥०॥

चा'न्य शक्ती छे त्रण भवनन रक्षाकार,
 महा सो'न्दरी भ'व्यनय च'ये नमस्कार ।
 चानि दर्शन मन गछि शाद मा'जा'य ॥
 रोज सन्तुष्ट बोज फ'र्ययाद मा'जा'य ॥०॥
 यिम आ'ठम चो'दुश नवुम गाथा करन,
 पाप व्याप्यख न लाचा'री, निश बचन ।
 ग्रेह पीड़ायि निशि आज्ञाद मा'जा'य ॥
 रोज सन्तुष्ट बोज फ'र्ययाद मा'जा'य ॥०॥
 येति येति चानि बजरुक गुण कीर्तन,
 सो'ख तु शा'न्ती तति तति याफ सपदान ।
 दो'ख कासुवुन चोन समवाद मा'जा'य ॥
 रोज सन्तुष्ट बोज फ'र्ययाद मा'जा'य ॥०॥
 रछि करिना "सा'यिल" लोलु शब्दन,
 'मारकण्डे' छुय करान गो'ण वर्णन ।
 गो'ण चा'नी छि लातेदाद मा'जा'य ॥
 रोज सन्तुष्ट बोज फ'र्ययाद मा'जा'य ॥०॥



फो'लि चानि दर्शन मन पम्पोश

मा'ज चोन ध्यान छुम प्रथ गरि प्रथ क्षण,
 फो'लि चानि दर्शन मन पम्पोश ।
 चानि अनुग्रह असि सो'ख बनि हनुवन ॥
 फो'लि चानि दर्शन मन पम्पोश ।

महिशासुर बेयि मधु तय कैटव,

क'र्यथख राम च'ये शों'म्भ तु निशों'म्भ ।

च'ण्ड मु'ण्ड रक्तबीज बे'यि दुमर लोचन ॥

फो'लि चानि दर्शन मनु पम्पोश ॥०॥

हीमालु थों'गि निश रूप येलि दोरुथ,

ब्रह्मा, विष्णु, शंकर सुन्द तीज प्रोवुथ ।

त्रेशवुन्य तीजान अकुय तीज प्यव थनु ॥

फो'लि चानि दर्शन मनु पम्पोश ॥०॥

शंकरन च' पनुनुय त्रिशूल हुबु द्युतनय,

विष्णुहन च'क्र, शंख वरुणन द्युतनय ।

ब्रह्महन कमंडल हिमालन शेर वाहन ॥

फो'लि चानि दर्शन मनु पम्पोश ॥०॥

क'र तो'ता 'सो'रत' राजन लो'बुन राज ताज,

'समा'दियस' म्यूल ज्ञान थ'वथस लाज ।

त्रन व'र्ययन यिमव रथ को'रुख अर्पनु ॥

फो'लि चानि दर्शन मनु पम्पोश ॥०॥

युस मनुष्य येछि करि चा'नी स्मरण,

सा'री पाप शाप तस छि मो'कलन ।

सो'ख दिवान मीठय तस गम छि तस पो'त ह्यवन ॥

फो'लि चानि दर्शन मनु पम्पोश ॥०॥

"सा'यिल" गुल्य ग'ण्डिथ वरतल छु आमुत,

मुर दा'रिथ चोन आंगन छु चामुत ।

न्यथ सुबु शामु सुय करनि चोन कीर्तन ॥०॥

फो'लि चानि दर्शन मनु पम्पोश ॥०॥



गो'ण ग'न्जरावय थावतम ध्यान

सर्वशक्तिमान मा'ज शांत सो'भावय,

गो'ण ग'न्जरावय थावतम ध्यान ।

गो'ण चा'न्य आ'न्य र'स्य का'त्य व्यछ'नावय ॥

गो'ण ग'न्जरावय थावतम ध्यान ॥०॥

येछि पछि मनु मन्दरु आसन थावय,

करतम अनुग्रेह बनिहेम कल्याण ।

पान छुम चोनुय तु च'य आलुनावय ॥

गो'ण ग'न्जरावय थावतम ध्यान ॥०॥

चानि यछायि किन्य जगथ वो'पद्यावय,

ब्रह्मा, विष्णु, शंकर छि रूप धारान ।

पुष्ठी तुष्ठी हीम परुनावय ॥

गो'ण ग'न्जरावय थावतम ध्यान ॥०॥

न'वन मूर्तियन ह'न्य नाव वनुनावय,

सिद्धि दात्री छख च' का'चाह महान ।

जगत् अम्भा किथु ब' दशु'न प्रावय ॥

गो'ण ग'न्जरावय, थावतम ध्यान ॥०॥

हीमालु राजुन शेर पा'रावय,

निर्वाणु थम मो'खुतु छ'थरस ज्ञान ।

दबारु चानि गन्टायि वजुनावय ॥

गो'ण ग'न्जरावय थावतम ध्यान ॥०॥

अशिवानि पाद चा'न्य न्यथ छलुनावय,

वो'थरावय अ'छिर वालव पान ।

रुत्रि पाद हृदयस मंज ललुनावय ॥०॥

गो'ण ग'न्जरावय थावतम ध्यान ॥०॥

भ'क्तयन ह_न्ध लोलु नाद याद पावय,
 इखि छख च_य मा'ज छख टोठान ।
 "सा'यिलन" कुर तो'ता बड़ि भक्ति भावय ॥
 गो'ण ग'न्जरावय थावतम ध्यान ॥०॥



मा'ज जार वनय विलुजार वनय

आमुत ब' पापन मंज ह्यनय,
 मा'ज जार वनय विलुजार वनय ।
 करतम दया थवतम कनय ॥
 मा'ज जार वनय विलुजार वनय ॥०॥

स्वाहा स्वदा छख वष्टकार,
 च_य 'अकार-मकार' छख च_य 'उकार' ।
 न्यथ अछरसुय मंज प्रथ क्षणय ॥
 मा'ज जार वनय विलुजार वनय ॥०॥

सृष्टी स्वरूपा छख महान,
 स्थिती स्वरूपा च_य वनान ।
 चानि सा'त्य पकान छुय त्रिभवणय ॥
 मा'ज जार वनय विलुजार वनय ॥०॥

च_य छख श्वरी च_य ईश्वरी,
 'लजा' 'क्षमा' 'शांती' बो'द्धी ।
 च_य निश त्रे गो'ण ग'यि वो'त्पन्नय ॥
 मा'ज जार वनय विलुजार वनय ॥०॥

ही खड़गुधारिणी कर कृपा ।

सन्धया च सावित्री छख उमा ।

शक्ती च छख निर्वन्धनय ॥

मा'ज जार वनय विलुजार वनय ॥०॥

असुरौ ब' ओ'नमुत छुस अरय,

च'ये रो'स ब' ध्यनती कस करय ।

“सा'यिल” ब' वो'न्य कथ कथ सनय ॥

मा'ज जार वनय विलुजार वनय ॥०॥



रुचरुच कल

“ ही जगत माता करतम कल्याण ”

ही दयावान मा'ज सन्मो'ख मे बासतम,

ही जगत माता करतम कल्याण ।

रुचरुच कल क'हर वा'सि करुनावतम ॥

ही जगत माता करतम कल्याण ॥०॥

कनुवुय विजि विजि रुत बोजनावतम,

जेवि वनुनावतम रुत सुवु शाम ।

क्षण क्षण गरि गरि रुत मे सो'रुनावतम ॥

ही जगत माता करतम कल्याण ॥०॥

रुत गव रुत तय रुत बासनावतम,

रुचरुस सा'तिन करतम ज्ञान ।

रुति मो'ख रुचरुक पै मे बोजा_नावतम ॥०॥

ही जगत माता करतम कल्याण ॥०॥

रुचरुक्क्य अनुहार डेकि प्रजलावतम,
रुचरुक्क वनुहा रुत पा'गाम ।

रुचरुक्क्य स'न्य वुगुन्य सरु करनावतम ॥

॥०॥ हागत माता करतम कल्याण ॥०॥

त्युथ रुत परद्यन क्युत यछनावतम,
युथ रुत पनुन्यन क्युत ब' कां'छिहा ।

ह्युव परस तु पानस रुत यछनावतम ॥

॥०॥ हागत माता करतम कल्याण ॥०॥

रुत गव सिर्ययितु त्युथ गाशिरावतम,
रुचरुचि जुचि प्रजलावतम मन ।

रुचरुकि अनुग्रहे दिल रंजनावतम ॥

॥०॥ हागत माता करतम कल्याण ॥०॥

रुत गव पो'जा तय पो'जा प'जारावतम,
रुचि क'ज कासतम मो'ह तु अभिमान ।

रुचरुकि बरकत रुत वखनावतम ॥

॥०॥ हागत माता करतम कल्याण ॥०॥

रुचरुकि मय खानु मय चावनावतम,
रुचरुकि यारुबलु चलिहेम प्यपास ।

दामु दामु रुचरुक्क जाम चावनावतम ॥

॥०॥ हागत माता करतम कल्याण ॥०॥

रुत गव परम ब्रह्म सुय द्र'ठनावतम,
रति किस ज्ञानस द्यावतम जा'ल्य ।

रुचरुकि आगर रुत वुजनावतम ॥

॥०॥ हागत माता करतम कल्याण ॥०॥

रुचरुकि ब्यालि च'य रुत वो'पदावतम,
रुचरुकि सगु बनि रुति रुत फल ।

रुचरुकि पयि किन्य पय फिरुनावतम ॥

॥०॥ हागत माता करतम कल्याण ॥०॥

रुत गव रुचरुय ती मे ग'न्यरावतम,
शम दम रुचरुय फो'लि गुलजार ।
वो'थुवन बेहवुन रुत मे परुनावतम ॥

ही जगत माता करतम कल्याण ॥०॥

रुचरुस सुव शाम पूज करुनावतम,
रुचरुचि मायि करु सूहमसू ।
रुचरुचि नावि हम खूर वायिनावतम ॥

ही जगत माता करतम कल्याण ॥०॥

रुति के दर्बारु नाद करुनावतम,
रुचरुकि पासु बो गछु कामयाव ।
रुचरुस पान आयितन थावनावतम ॥

ही जगत माता करतम कल्याण ॥०॥

रुत छुय रुत तय रुत ग'न्यरावतम,
रुतिके स्यदु पीठु बनि रुत पाय ।
रुचरुकि व्यचारु रुत व्यपुरावतम ॥

ही जगत माता करतम कल्याण ॥०॥

रुति किस दामानस थफ करुनावतम,
रुचरुचि कृपायि पेयि रुत गाह ।

“सा'यिलस” रुच वथ वदि कड़ुनावतम ॥

ही जगत माता करतम कल्याण ॥०॥



लल्ल छेदि कुन

(पाम्पोर कश्मीर)

“ बस को’र लल्ल छेदि सूहमसू ”

पायस पे का’शरुयो क्षण क्षण सो’रु,

बस को’र लल्ल छेदि सूहमसू ।

तेलि नो च’ये गछी जांह ति बुमिरू ॥

बस को’र लल्ल छेदि सूहमसू ॥०॥

सवरस तु ताबस तमि ब’र प्रय,

दजुवनि तो’न्दरु द्रायि सो’न्दर सो’य ।

गाटुल्यव तमी तलु पय लो’बु ॥

बस को’र लल्ल छेदि सूहमसू ॥०॥

लल्लि हेच गा’बथ शो’मरुन मन,

शो’द्धि मनु शिवसुय को’रुन पूजान ।

कनि निलुवठ जो’रुन मा को’रुन ॐ ॥

बस को’र लल्ल छेदि सूहमसू ॥०॥

लल्ल छेदि दुय गा’ज ड्यूनुन राश,

छांफ येलि का’सुन ड्यूठुन गाश ।

समसार्य व्यवहारस द्युतुन छू ॥

बस को’र लल्ल छेदि सूहमसू ॥०॥

स्यदु मा’ल्य सुन्द तमि नेशनोव नाव,

वेथि त’र ओ’रु योर ला’गिथ ख्राव ।

कनि फलि नो’ट फुट जाल रुद त्युथुय ॥

बस को’र लल्ल छेदि सूहमसू ॥०॥

मुन्द ये'लि चोवुन गलि गलि दो'ध,
क'हरि ओस सुय तो'ताम सपद्यव सो'द ।
सादन तु संथन वो'थ हू हू ॥

बस को'र लल्ल छेदि सूहमसू ॥०॥

हेन्दिस तु मुसलमानस छुन व्यन,
बोवुन शिव छु थलि थलि रोजान ।
कुन्य छि अ'स्य कुंस ब' छुस कुस छुम हू ॥

बस को'र लल्ल छेदि सूहमसू ॥०॥

यी तमि तेलि वो'न ती छु प्रखटान,
माजि कोरि यिकुवटु अजा छे नेरान ।
गा'रन सा'त्यन करान येरि हू ॥

बस को'र लल्ल छेदि सूहमसू ॥०॥

माजि बेनि वा'य यो'द मनु किन्य सनन,
रछि करन त'हन्धन शुद्ध वचनन ।
मुल्ल्यन वाखन तिम वंदन जुव ॥

बस को'र लल्ल छेदि सूहमसू ॥

स्यजरुच पजरुच कल कहर करू,
जीवो सन तु कथि छो'र मा परू ।
वो'न्दचे दोजि प्यठ ॐ अछुर गरू ॥

बस को'र लल्ल छेदि सूहमसू ॥०॥

लल्लु त्रागु ह्यमहोस जागय अ'स्य,
कों'गु वार्यन वुछोन पोम्पुर अ'स्य,
कुकिलु तु दिदरि तति करान कूकू ॥

बस को'र लल्ल छेदि सूहमसू ॥०॥

आयेयि वा'निस तु ग'यि कांदरस,
जा'न्युल को'तमुत छे नुन मंजा इलस ।
नदरयव तु पम्पोशव वा'ग्रू ॥

बस को'र लल्ल छेदि सूहमसू ॥०॥

व'ल्यतव माजि अ'स्य लायव नाद,
 रोजि चव सहायतस चलि असि व्याद ।
 "सा'यिलो" गो'णु ग्यवान करतो शुरू ॥

वस को'र कल्ल द्येदि सूहमसू ॥०॥



अम छु यि सम्सार

अम छु यि सम्सार दम छुख नु च'नान,
 दम न सा' रोज्ञान सोर ।
 मोह माया छय व्यन छुख नु बोज्ञान ॥
 दम न सा' रोज्ञान सोर ॥०॥

नहक्य क्षूबुक गुम छुम वो'तलान,
 क्याजि छुख लागान चोर ।
 तति यी ह्यथ आख ती छुख च' भूगान ॥
 दम न सा' रोज्ञान सोर ॥०॥

कर्मणि अत्तु गत्तु येन्य छुख येरान,
 न'ख्य छुय पापुन बोर ।
 यो'त यिथ तो'त क्युत क्याह छुख सोज्ञान ॥
 दम न सा' रोज्ञान सोर ॥०॥

पारुद्य नठ छय डन्जि छुख नु रोज्ञान,
 लूभस तु तमहस दि तोर ।
 रचि रचि व्या'पिथ छुय छुख नु खोचान ॥
 दम न सा' रोज्ञान सोर ॥०॥

स्यो'द शो'द कोन् छुम मज्जदार बासान,

हो'कुल्य नास छुय प्योर ।

क्याजि छुय नु साफ तय पाक चैय रोचान ॥

दम न सा' रोजान सोर ॥०॥

येति क्याह म'शरुथ जो'न छुय नु फेरान,

कमि वाद् आयोख योर ।

स'न्दजन जा'ल्य दिन् वा'सय छे सोरान ॥

दम न सा' रोजान सोर ॥०॥

कांसि हुंद डीशिय दिल छुय नु जुरवान,

पन्नि वुद्यूगु कर जोर ।

संतोषस छुन् लूभ जांह पोरान ॥

दम न सा' रोजान सोर ॥०॥

यथ कायायि छुख पा'रान तु शेरान,

अथ छो'न गछुन ननुवोर ।

“सा'यिल्” तमि गरि कस क्याह छु फोरान ॥

दम न सा' रोजान सोर ॥०॥



जीव् रठ शो'द्धमन् शो'जरुच त्राय

जीव् रुठ शो'द्धि मन् शो'जरुच त्राय,

दय यस इखि छुय तस नु परवाय ।

गरि गरि स्यजरस कांछि युस आय ॥

दय यस इखि छुय तस नु परवाय ॥०॥

रुत्य तय अर्त_य चा'न्य कलमु तारान,
चित्रगुप्त सा'त्य सा'त्य च'ये रोजान ।
ग'न्जरान चा'नी न्याय तु अन्याय ॥

दय यस इखि छुय तस नु परवाय ॥०॥

मल छुय वो'न्दि तय फानुन सु जल,
स्यजारस पजरस कुन करतु कल ।
प्रकर'च पनुने कइ दो'ख तु ग्राय ॥

दय यस इखि छुय तस नु परवाय ॥०॥

च_ति करतु पाय कां'सि चे_ति बनि वो'पाय,
माय वती'वुन चे_ति मेली माय ।
कपटस तु छलसुय युथन दिख जाय ॥

दय यस इखि छुय तस नु परवाय ॥०॥

रुत कर रुत सो'र रुचरस हे दाद,
मेछर बदि कइ चाछिरस हे स्वाद ।
व्याद चलि सो'ख सुय हुरि अदु आय ॥

दय यस इखि छुय तस नु परवाय ॥०॥

पनुनिस परदिस व्यन मो ज्ञान,
युस रछि परदिस तस छु कल्याण ।
दिलि आ'ईनस यस नु कांह छा़य ॥

दय यस इखि छुय तस नु परवाय ॥०॥

फलि फलि धर्मुक व्योल बहराव,
कर्म_चि अलुबानि खाह सोम्बराव ।
बुद्यूगु सगु बनि पोशन पाय ॥

दय यस इखि छुय तस नु परवाय ॥०॥

ॐ के द्राति सा'त्य शुभु फल लोन,
नित्य कर्म नित्य अछरु नेरि रुत छोन ।
दो'ध म'न्द्य म'न्द्य नेरि थ'न्य तु बनि काय ॥

दय यस इखि छुय तस नु परवाय ॥०॥

वासना शो'द्ध थव जीव कर क्रय,
परम ईशरस सा'र्य सपदख लय ।
दिलु क्यन गोशन वो'थराव हा'य ॥

दय यस इखि छुय तस नु परवाय ॥०॥

“सा'यिलु” नीचन हुन्द छुय मुराद ।

कर्म चि खेति दितु यूगबल काद ।

चयथ रछ चयथ व्यमर्शि वनि प'जा दाय ॥

दय यस इखि छुय तस नु परवाय ॥०॥



जीव रठत् मन कचे

इंद्रिय रठत् मो'छे,
विषयव को'रहख लछे ॥

पुन्य करत् रचि रचे,
शम दम जान गछे ॥

ध्यान दार येछि पछे,
छांफ वो'थि नजरि वछे ॥

नरकनि तावि तचे,
अद् मा गछख लछे ॥

ज्ञान लब खश दि मछे,
गो'र लागि बाल बछे ॥

“सा'यिलु” युस रत य'छे,
सो'ख बन्यस दो'छि दो'छे

जीव रठत् मन कचे ।

जीव रठत् मन कचे ॥०॥

जीव रठत् मन कचे ।

जीव रठत् मन कचे ॥०॥

जीव रठत् मन कचे ।

जीव रठत् मन कचे ॥०॥

जीव रठत् मन कचे ।

जीव रठत् मन कचे ॥०॥

जीव रठत् मन कचे ।

जीव रठत् मन कचे ॥०॥

तस नु कौहति कम गछे ।

जीव रठत् मन कचे ॥०॥

बे गर नाम्

(क'शीरि प्यठ 1990 तस मंज चलनु पतु)

“ बे गर नुय मा'ज करतु केंह पाय ”

गरु बार त्रा'व्य आ'स्य ल'ग्य अरसरनुय,

बे गरनुय मा'ज करतु केंह पाय ।

यी नु जांह सरुहव ती वो'न्य छि सरनुय ॥

बे गरनुय मा'ज करतु केंह पाय ॥०॥

मालु जादाद रोव वुम्बरि ह_न्ज गरवेठ,

पनुनि गरि सेठ आ'स्य अज शरणार्थी ।

छी छपन जायि छांङान गरु गरनुय ॥

बे गरनुय मा'ज करतु केंह पाय ॥०॥

कशमीर मंड_लुव्य अ'स्य रेष संतान,

पनुनि गरि नीरिथ छि हालि हा'रान ।

तरुवय तारु कुनि तारु छिनु तरनुय ॥

बे गरनुय मा'ज करतु केंह पाय ॥०॥

शारिका तु राजा, जाला तु जिण्टा,

नखु डखु रूजिथ छय करान रक्षा ।

महा गणेश, शिव जी असि यछ बरनुय ॥

बे गरनुय मा'ज करतु केंह पाय ॥०॥

पाप ग'यि हद् र'स्य ह्यनु आयि को'हनु पा'ठ्य,

का'त्याह बे गो'नाह मूद्य का'त्य टा'ठ्य ।

मरनस थख छुनु वुनि ति छी मरनुय ॥

बे गरनुय मा'ज करतु केंह पाय ॥०॥

यिम असि दोस वेंद्य, यिम र'छ, यिम पा'ल्य,

तिमनुय व्यङ्गाम चाव तिमवुय गा'ल्य ।

यी मा फ़िक्कि तो'र तिम असि फ़रुनुय ॥

वे गरुनुय मा'ज करतु के'ह पाय ॥०॥

असि मा व्यन ओस, बेनि भा'य हिव्य आस्य,
समुच्चार असि ओस, दो'ध शक्कर जन आ'स्य ।

राक्षस प्रकृथ ग'यि तिमन नरुनुय ॥

वे गरुनुय मा'ज करतु के'ह पाय ॥०॥

असि आ'स लल्ल दद इखि नुन्दुरयो'ष ओस,
रेष्यवारि सानि हुन्द त्यो'ल कस ओस ।

व्यो'न को'रुन नम तु माज्जा आ'स कस चरुनुय ॥

वे गरुनुय मा'ज करतु के'ह पाय ॥०॥

असि मा आसिहे अहम् भाव अहंकार,
अद् तिमुवुय किन्य ग'यि गिफ़्तार ।

अख अ'क्य सुन्द रुत अ'स्य मासरुनुय ॥

वे गरुनुय मा'ज करतु के'ह पाय ॥०॥

पनुनुय पनुनुय बेयसुन्द नु यछुनुय,
पान्यो पान्यो असि थो'वुन करुनुय ।

आब मा अ'छन रुद कां'सि हुंद नु जारुनुय ॥

वे गरुनुय मा'ज करतु के'ह पाय ॥०॥

पनुनि थानु प्यठु व'थ्य तु लग्य पर दीशन,
प्यठु आयि दिगुनुय पांचा'ल्य काव ।

छुनु वुन्य साम्रथ ल'ग्य पर गरुनुय ॥

वे गरुनुय मा'ज करतु के'ह पाय ॥०॥

येथ्यनु असि हा'ल आ'स ती प्यव प्यतरुन,
यी नु व्यत्रावुहव ती प्यव व्तरुन ।

सुन्न शाम् क्षण् क्षण् ओ'श अ'स्य हरुनुय ॥

वे गरुनुय मा'ज करतु के'ह पाय ॥०॥

दय जानि कमि हांचि र'ट्य ल'ग्य दकुन्य,
दिल फुट्य येलि येलि नु ज़ो'र ल'ग्य कालु गटुन्य ।
तोति छुनु दय सोन कांह न्याय करुन्य ॥

वे गरुन्य मा'ज करतु केंह पाय ॥०॥

शुर्यन्य आ'ल्य रा'व्य मो'ठ गिदुन द्रुकुन्य,
असि जन रुशित गो'मुत असुन्य ।
जिदगी दव लो'ग र'ट्य अ'स्य शरुन्य ॥

वे गरुन्य मा'ज करतु केंह पाय ॥०॥

अमान अ'न्दरिम्य रुद्य असि अ'न्दर्य,
आशन डोठ प्यव वटस्य अमार अ'न्दर्य ।
सोरेयि सथ असि त्राहि त्राहि छि परुन्य ॥

वे गरुन्य मा'ज करतु केंह पाय ॥०॥

अ'स्य आयि अरु सख जेरु आव बनि क्याह,
वनवय तु बोजि कुस कुस करि क्याह ।
दिल फुटिथ माता र'ट्य चा'न्य चरण्य ॥

वे गरुन्य मा'ज करतु केंह पाय ॥०॥

नाव सा'न्य आवलुनि मंजु बो'ठ लागतन,
बिगरेमच दशा संभलावतन ।
फोर्य फोर्य कलु नो'मरिथ आयि शरुन्य ॥

वे गरुन्य मा'ज करतु केंह पाय ॥०॥

मा'ज सा'न्य शारिका, रा'ज्ञा, दुर्गा,
शुर्यन्य पापन कर क्षमा कर दया ।
वो'न्य गव सर्य पे'ठ्य वो'न्य छिनु ज़ारुन्य ॥

वे गरुन्य मा'ज करतु केंह पाय ॥०॥

असि म्यूल सतय गज असमान क्याह वनव,
यिनु सो'पनस मंजु ति सरुहव क्याह वनव ।
दो'हली अनि गो'ट गव ल'ग्य थरुन्य ॥

वे गरुन्य मा'ज करतु केंह पाय ॥०॥

च॒यनय बो॒ख इ॒खि नय रोजा॒ख,
नतु॒ असि जि॒दय येति वन्यव दो॒जाख ।
न छे कुनि अथ॒ वथ छिनु॒ केह करु॒नय ॥

वे गरु॒नय मा'ज करतु॒ केह पाय ॥०॥

च॒य छख मा'ज सा'न्य असि प्यठ कृपा कर,
आ'दीनन च॒रणन तल जाय कर ।
द्यव॒ मल च॒लि असि गछि॒ शो'द्ध वर्ण॒य ॥

वे गरु॒नय मा'ज करतु॒ केह पाय ॥०॥

हंगु॒ मंगु र'टय अस्य येम्य वलु गतु॒नय,
ग'यि अ'स्य पनाह गु॒ज्जीन रोव असि वतु॒नय ।
बुन्य क्याह असि रूद छि व'ह्यतुवाह्य करु॒नय ॥

वे गरु॒नय मा'ज करतु॒ केह पाय ॥०॥

शु॒र्य सा'न्य व'न्य दिन मातामाल कति लबन,
नो'शिनु॒य कति रूद टोठ मालिन्य वतन ।
कथ गरस तु वा'र्यविस सो'न तु रो'फु जरु॒नय ॥

वे गरु॒नय मा'ज करतु॒ केह पाय ॥०॥

को'त ग'यि ठोकुर कुठु॒य कति ठोकुर द्वार,
को'त ग'यि दरभि हंग श्रूच॒य चंदन द्वार ।
यी सो'र्य सो'र्य मा'ज ओ'श छुनु॒ दरु॒नय ॥

वे गरु॒नय मा'ज करतु॒ केह पाय ॥०॥

असि तगान छुनु॒ वनुन वो॒जुन चे॒ छुय तगान,
चे'य वनान राजि रेन्य दादस च॒य सनान ।
च॒य योत छख सनान ज॒र ज॒र जरु॒नय ॥

वे गरु॒नय मा'ज करतु॒ केह पाय ॥०॥

क'हन्दि ताम धमु' अ'स्य जुव॒ वचेयि क'ह्यताम,
चानी अनुग्रहे असि संदोर क'ह्यताम ।
बो'न्य मा'ज असि बख॒श केह नु तल छु लरु॒नय ॥

वे गरु॒नय मा'ज करतु॒ केह पाय ॥०॥

छूटि छूटि लग्य अ'स्य छिनु संदरान,
पेंजि पुरनि लरि जायि ग'यि त्रावान ।
अथ वथ छे नु यिवान छिनु व्यचरुन्य ॥

बे गरुन्य मा'ज करतु केंह पाय ॥०॥

हालि बे हाल गव कांह ति छुनु सनुनय,
असि क्याह गुदरुयोव असि क्याह छु बनन्य ।
पजानु पेठुय येलि गव ओ'श वो'थ जरुन्य ॥

बे गरुन्य मा'ज करतु केंह पाय ॥०॥

रावन त्यो'ल छु कूठ दो'ख ललुनावान,
गरु बारु निशि दूर रोजुन छु न्यावुन ।
बरु गा'मुत्यन असि अ'छ लजि दरुन्य ॥

बे गरुन्य मा'ज करतु केंह पाय ॥०॥

सोरुय रावि यस सुय अमा सो'रि क्याह,
नारस नरि दियि करि क्याह करि क्याह ।
तस नु खो'श केंह करान प्रथ केंह खरुन्य ॥

बे गरुन्य मा'ज करतु केंह पाय ॥०॥

डेरु वाव छु वो'नमुत सेरु वावु खोतु थो'द,
पछु ग'ज असि रूद अंगु रो'स यी जो'द ।
येति विश्वास गलि तति क्याह करुन्य ॥

बे गरुन्य मा'ज करतु केंह पाय ॥०॥

तुलि तुलि असि आ'स्य आ'ल्य बना'व्यमुत्य,
किथु किथु असि तिम आ'स्य शूबुरा'व्यमुत्य ।
को'ठुय कमर मिलुविथ शर्म अ'स्य करुन्य ॥

बे गरुन्य मा'ज करतु केंह पाय ॥०॥

“सा'यिल” गुल्य गं'डिथ मुर दा'रिथ आव,
सोन अजाहि मा'ज वो'न्य च'यतस थाव ।
दिल छुनु इ'जि वो'न्य असि व्यसमरुन्य ॥

बे गरुन्य मा'ज करतु केंह पाय ॥०॥

अरजी

(पनुनिस पानस क'र्यतव रा'छ)

पानस ताम छुय यी इनसानस,
पानय पानस क'र्यतव रा'छ ।
सुय छुवु व्या'पिथ दानस दानस ॥

पानय पानस क'र्यतव रा'छ ॥०॥

मतु व्यन क'र्यतव परस तु पानस,
कुनुय जुव असि कु'लिब व्यो'न ।
व्यन छा व'न्यतव दीनु ईमानस ॥

पानय पानस क'र्यतव रा'छ ॥०॥

हु अख तु यि अख छुनु मीजानस,
ह्युवुय सो'रुय हिशर जान ।
व्यन छा गीतायि बेयि कुरानस ॥

पानय पानस क'र्यतव रा'छ ॥०॥

अवतार गुरु नबी कुनी,
कुनुय तुहन्दुय रुत पा'गाम ।
स'न्यतव रचि रचि तुथ फमनिस ॥

पानय पानस क'र्यतव रा'छ ॥०॥

युसु पछ मंदरस सुय असतानस,
गिरजागरस सुय गुरु द्वारस ।
वथ छय कुनी तथ मुकामस ॥

पनुनिस पानस क'र्यतव रा'छ ॥०॥

युस येछि परस तस येछि पानस,
रुचरस रुचरुय नेरी सूद ।

मल कति रोजि दिलि आ'ईनु खानस ॥

पनुनिस पानस क'र्यतव रा'छ ॥०॥

“सा'यिल्” ड्यक् टिक पानस,

माय तय मुहब्बत मान थो'द दीन ।

दुय तय नकरथ छय अंजानस ॥

पनुनिस पानस क'र्यतव रा'छ ॥०॥



अस्तुती

मे क'र पथकुन बयान दीवी वा'णी,

यि छम इष्ट दीवी चा'न्य मे'हरवा'णी ।

खबर अन्जा'न्य पा'ठ्य बेयि अज्ञानु किन्य मे,

वो'नुम क्याह हो'ल तु को'ल क'र्यज्यम क्षमा मा'ज ।

तो'गुम क्याह भावुनुय क्याह व्यछ'नावुन,

हो'कुम पनुनि मूर्ख वो'ज वखनुम यि केंछाह ।

च'छख मा'ज म्या'न्य थवुम मंजूर मंजूर,

च'र'छ ज्यम यछ तु पछ क'र्य ज्यम यछा पूरे ।

ओ'गुर थो'गरिस सन्यम चे'य रो'स मे' कुस मा'ज,

दया सागर च'छख करतम दया मा'ज ।

कल्याण करतम ब'छुस अन्जान नादान,

दितम भ'क्ति ब'छुस बस ती चे' मंगान ।

स्यठा बदहाल छु का'शुर सोन बटुकोम,

तिहिन्दि बापथ ब'छुस रुतजान कांछान ।

तिमन गोमुत मो'लुत मन तिम छि दो'खु जद,
 च_करतख अख दया कामना करुख स्यद ।
 शुभुक वर्षुन करुख टोठुक रछुख मा'ज,
 रछुख यज्जथा करुख जुवु रा'छ ही मा'ज ।
 गंडिथ गुल्य छुय करान "सा'यिल" यि व्यन्ती,
 च_थव मं'जूर करुम दो'ख दूर कासुम मे सखती ।
 क'रुम स्मरण मे सारिन्य दीवियनं ह_न्ज,
 यिमन सोन हाल व्यो'द सोरुय तिमन ह_ज ।
 अगर माजि सहायतस रोजान शुर्यन असि,
 छु क्याह परवाय वातिमा सो'ख असि ।



माता दुर्गा

(किल्ला बाहु, जम्मू)

“ चरणन बु करय अर्पण प्राण ”

ग्रन्थन मंज छु चोन महिमा वर्णन,
 चरणन बु करय अर्पण प्राण ।
 मा'ज दुर्गा छम मे, मनि कामन ॥

चरणन बु करय अर्पण प्राण ॥०॥

बाहु किल्लस प्यठ आसन दा'री,
 गदि प्यठ छख करान सरदा'री ।
 न्यथ ननुवोर यिमय तल पादन ॥

चरणन बु करय अर्पण प्राण ॥०॥

चानि वतु गारान छुस वु क्रेशान,
कुनि नु मा'ज पय लवान के'ह नु डेंशान ।
अठकल छमनु क्यथु कर स्मरण ॥

चरणन वु करय अर्पण प्राण ॥०॥

रो'टुहस तु चो'टुहस शापव दुखव,
खो'टुहस तु गो'टुहस पापु स्यापव ।
बे'शियय वलनु आयि राह छु शे'थरन ॥

चरणन वु करय अर्पण प्राण ॥०॥

पा'र्य जान रुजुम नु अफूस ख्योम,
मोह तु लूभ मा'जा'य स'र्य पे'ठुय गोम ।
नारस नरि दिथ क्याह छु नेरन ॥

चरणन वु करय अर्पण प्राण ॥०॥

अ'छनुय मा'जा'ज पचि पयुर गोम,
ताल्युन हय दो'दुम प्यतुरुन प्योम ।
मूर्खस छुमनु चो'क तल यि वातान ॥

चरणन वु करय अर्पण प्राण ॥०॥

गरु बार त्रा'विथ आयि लारान,
गुल्य मुरान, वछ चटान, बाकु छटान ।
लारु प्यठु दार आयि अथु हावन ॥

चरणन वु करय अर्पण प्राण ॥०॥

चाने आसरु अ'स्य योर आय,
पादि कमलन तल दितु असि जाय ।
सा'यिलस ते'लि गछि सन्तुष्ट मन ॥

चरणन वु करय अर्पण प्राण ॥०॥



रा'जा माता

(बादीपोरा मस्तवब आश्रम कश्मीर)

“ जार बोजि मा'जा'य ”

छय दया, छुय चे' आर, जार बोजि मा'जा'य ।

छख च सा'न्य गमखार, जार बोजि मा'जा'य ॥

बा'द्यपोरि थजुरस, पीठ चोन शूभान ।

कोण्ड क्याह शूभिदार, जार बोजि मा'जा'य ॥

कोंग रादन ह न्ह्य हय कोंग तिहजो ।

छावि बोनि शे'हजार, जार बोजि मा'जा'य ॥

चोड़रिस तु नागा'म्य परगुनस सायि चोन ।

थो'द छु चोन दरवार, जार बोजि मा'जा'य ।

भ'क्तयन स्यद क'रुथ चे'य मनि कामन ।

फोलुवुन चे' अनुहार, जार बोजि मा'जा'य ॥

चानि अमृत्यतु कोण्ड भ'क्ति प्यपास चलि ।

गलि मोह' शिठयन्यार, जार बोजि मा'जा'य ॥

चा'नी सथ असि चोनय आसर ।

बोज सोन जार पार, जार बोजि मा'जा'य ॥

स्वा'मी जी मस्तु बब प्रेयमु मस चोवथन ।

को'रथन सु नामदार, जार बोजि मा'जा'य ॥

मोहनूर्य “साक् यस” चा'न्य दय दृष्टी ।

बोठिस गोस सबजार, जार बोजि मा'जा'य ॥

“सा'यिल” चे'य कित्य व्यनु पोश ह्यथ आव ।

करतम मे' स्वीकार, जार बोजि मा'जा'य ॥

माता शारदा

(विजय विहारा, अनन्तनाग कश्मीर)

“रघुनाथ मन्दिर श्रीनगर तु शारदा पीठ हारी पर्वत श्रीनगर”

शारदा पीठच हय ब्रान्द क'निये,
जायि जायि छी दिवान व'निये च'य ।
चा'नी कृपा असि प्यठ आलवुनिये ॥

जायि जायि छी दिवान व'निये च'य ॥०॥

फल दायक छख फल दिववुनिये,
भ'क्तयन दया करवुनिये च'य ।
शा'न्ती दिथ छख ब्रान्थ कासवुनिये ॥

जायि जायि छी दिवान व'निये च'य ॥०॥

चानि अनुग्रहे'ह' क'शीर द्रायेयि न'निये,
पृथ्वी हुन्द स्वर्ग वो'नये तथ ।
जगतुक्य इतिहासकार अथ स'निये ॥

जायि जायि छी दिवान व'निये च'य ॥०॥

माजि शक्ती ह_न्ज च_ति अख बे'निये,
यिथ क'न्य दोद_स मन्ज छे' थ'निये जान ।
व्या'पिथ अख अ'किस मन्ज छि तिथु क'निये ॥

जायि जायि छी दिवान व'निये च'य ॥०॥

का'शुर संस्कृती छय व्यछन'निये,
नीलम पो_रान वखन'निये ती ।
चा'नी गाथा क्या रंबुवुनिये ॥

जायि जायि छी दिवान व'निये च'य ॥०॥

विद्वान् चा'नी गो'ण ग्यवुनिये,
 चोन बजर तु महतव क'म्यये नु जोन ।
 वितसतायि ललुख च'य खो'नि खोनिये ॥

जायि जायि छी दिवान व'निये च'य ॥०॥

फलस'फियव क'रमुच'यि वर्ण'निये,
 "सा'यिलन" कथि क'डु यि गे'निये लो ।
 चा'नी शो'हरथ लिखार्यव व'निये ॥

जायि जायि छी दिवान व'निये च'य ॥०॥



Book Donated for
ASHRAM LIBRARY

Book Donated for
ASHRAM LIBRARY